



Jä
4851d
1










1600
Kurtzer Bericht/Wie

der Ehrwürdig / vnser lieber Vater
vnd Preceptor / PHILIPPVS MELANTHON
sein Leben hie auff Erden geendet / vnd ganz
Christlich beschlossen hat / Mit Kurtzer erzehlung /
Was sich etliche tage zuuor / mit ihm inn
seiner Schwachheit zu ges
tragen hat.

Geschrieben von den Professoribus der Vniuersitet
Witteberg / Die alles / was hie bericht wird / selbs ges
sehen vnd angehört haben.



Nürnberg.

M. D. L. X.

1) Philippus Melancthon propria manu scripsit haec verba.
de Sacramento corporis & sanguinis Christi in libellum D. Maioris
Ao 60 die 7 Aprilis cum Iosepha moteris die 19 eisdem Mensis.

Verum corpus & sanguis Christi exhibentur in pane & poculo, q̄stio
iam orta est quomodo Chry possit esse corporaliter in Sacramento
cum idem corpus non possit esse simul in diversis locis. Et
Christus dixit se affuturum ergo non adest in Sacramento &
corporaliter nec querenda est alia ratio verbum ita sonat ergo
necesse est fieri. Quod vero ad corpus attinet Chry quo inest adest.
quare alia iam e ratio sui corporis & nostri. De ubiuitate non
disputandum in hac controversia. Nec scholasticus dicendum de
hac ubiuitate, sed retinent simplicem sententiam de corporali
praesentia Christi. Veritas neq; corpus neq; sanguinem habere
est conimuta humanitatis Christi & est ubiq; humanitas
Christi e conimutissima dignitas & sunt divitas & humanitas
in Christo inseparabiles. Ergo Christi corpus & sanguis in Sa
cramento praesentatione & ubiq; in Xra haec verba. Hoc est
corpus meum. Haec e sanguis meus & ego ero vobiscum usq;
ad consumationem saeculi.



4851 d
7

L 39,44

Kurzer Bericht / Wie

der Ehrwürdig / vnser lieber Vater vnd Preceptor Philippus Melanthon / sein Leben hie auff Erden geendet vnd gantz Christlich beschlossen hat.

Nach dem der Allmechtige Ewige / gütige vnd barmhertzige Gott / den hohen / theuren vnd frumen Man Philippum Melanthonem / vnsern lieben Vattern vnd Preceptorem / den 19. tag Aprilis nach mittage / Kurtz vor sibem schlegen / gehedigklich aus diesem jamerthal / zu seynen Seligen Ruhue vnd ewigen freude zu sich in sein Reich genommen / vnd abgefördert hat / darinnen er ohne zweyuel / mitt allen Anserwelten Vattern / Propheten / Aposteln / vnd dem Ehrwürdigen vnserm auch lieben Vatern Doctore Martino Luthero / Doctore Crucigero / D. Forstero / Jona / Pomerano / vnd andern bekandten trewen dienern Christi / der freude vnd herrligkeyt / die vns in dem Euangelio vnseres Herren Ihesu Christi / welches Er ja trewlich geleret / vnd erkleret hat / zugesaget vnd verheysen worden ist / nu mehr geneust. So sindt aber etliche boshafftige / heffige / vnd giftige lente / die ihre neydische vnd heffige Natur darzu gewehnet haben / Das sie leichtlich keinem ansehlichen / redtlichen vnd wolnerdienten Manne gutes nach sagen können / dieselbigen / sagen wir / reden bey irem hauffen von dem abschiedt dieses theuren frommen Mannes / so heffige
A ij vnd

vnd vnnerschempte wort / das es frommen leuten /
die es bissweylen mit anhören müssen / im Hertzen
wehe thut / vnnnd haben ein hertzlich verlangen vn-
sern gründtlichen vnd warhafftigen bericht zu hö-
ren. So ist auch kein zweyuel / das diesen tewren vn-
werden Man / sonsten auch alle vorstendige / auffris-
chtige vnd Christliche Menner / hohes vnnnd nidere
Standes / bekandte vnd vnbeandte / hertzlich lieb
gehabt haben / von wegen seiner trewen dienste vnd
nutzlichen arbeyt / so er der gantzen Christlichen kyr-
chen fruchtbarlich mit getheilet hat / Vnd darnach
auch von wegen vieler schöner trefflicher Tugendt /
die in jm geleuchtet vnnnd geschienen haben / Diese
alle wolten geren von allen dingen bericht wissen /
wie es vmb sein Kranckheit gelegen gewesen / was er
geredt / wie er sich getröstet / vnd wie er endtlich aus
dijem Jammerthal geschieden sey / Denn es ist na-
türlich / das wir gerne alles wissen wolten / Wie es
mit vnsern guten freunden / die vns im leben lieb ge-
west / irer schwacheyt vnnnd abschyeds halben zu ge-
standen were. Vnd wirdt one zweyuel auch vielen
leuthen der verzug wehe thun / das man nicht allen
bericht dauon / in der eyl / vnd als bald gethan hat.

Es werden vns aber alle verstendige hertzlich
gern entschuldigt nemen. Denn wir haben danials
in vnser grossen betrübnis als guthertzige / getrewe /
vnnnd redliche leuht erstlich darauff müssen bedacht
sein / Wie man die Lectiones widerumb bestellen /
aus theilen vnd verwalten müste / damit die jugend
nicht verseumet / vnd aus dieser vetterlichen fürsorg
vnnnd fleis hoffnung gewinnen köndte / wes sie sich
zu denen / die Got gnediglichen nach gelassen / ver-
sehen

sehen vnd vertrosten/ auch was für fruchte sie ihnen
bey denselbligen zu schaffen getrawen möchten. Da
hat erstlich einer dem andern die hand reichen/ vnd
in andern geschefften entsetzen müssen/ damit alles
aus gerichtet würde/ vnd nirgendt kein verseumnis
geschehe/ biss es in schwang kommen/ vnd alles so
bestellet worden ist/ das kein mangel/ so viel mög-
lich/ gespüret würdt.

Vnd wiewol wir alle zumal mit arbeyt also be-
laden sein/ das keiner zu seyren hat/ haben wir doch
diesen gantzen Bericht nach der lenge inn Lateyni-
scher sprache gethan/ Vnd wöllen nun auch kurtzen
Bericht von seiner schwachheit vnd sterben in Deuts-
cher sprache thun/ vnd sagen/ was wir gehört vnd
gesehen haben.

Wöllen aber zunor ettwas/ doch kurtz/ vonn
der Historia seiner Eltern/ vnd wie er erzogen vnd
zu diesem Beruff kommen ist/ anzeigen/ damit der
Christliche Leser seyner Antkunfft vnnnd gantzen Lee-
bens kurtzen/ vnd alls inn einer Summa/ gefasten
Bericht habe.

Es hat zu Pfaltzgraff Philips zeytten/ Chur-
fürsten am Rhein/ ein guter frommer Mann/
Claus Schwartzerden genant/ zu Weidelberg
vor dem Berge gewohnet / Der hat mit Elisabeth
seiner Ehelichen hausfrawen zwen Söne/ Hansen
vnd Georgen gezeuget/ vnnnd die selbigen zu Gottes
furcht vnd aller tugent von jugendt auff fleysig ge-
halten/ vnd Hansen zu dem Schlosser handwerg
gethan/ Zu Georgen aber/ nach dem er ein fast thea-
tiger Knabe war / der sich dapffer zu allen dingen
stellet/ vnd was ihm befolhen war / zum aller fleys-
sigen

figsten anrichtet / gewann der Pfaltzgraff Philip
Churfürst am Rhein / so ein geneygten willen / Das
in sein Churfürstlich G. zu sich an Doff name / lies
in allerley Handwerg sehen / zu erkündigen / Wazu
er lust hette / vnd was aus ihm werden kündte.

Als aber der Knab zum Churnierzeug lust ge
wan / hielt er sich am meisten zu den selbigen Mey
stern / do verdinget ihn der Churfürst zu derselbigen
Meister einem / der ein Schlosser zu Amberg war /
das Handwergt von ihm zu lernen / Welches Er
denn in solcher eyl gelernet / das sich yederman ver
wundert / Ihme auch darüber die Gesellen feyndt
waren / das ihn einer auff ein zeit / mit heissem Bley
so gefehlich verbrand hat / das man an seinem le
ben gezweyuel / wo er nicht durch Göttliche Gnad
vñ sonder fleissiger wartung erhalten worden weer.

Da nun solches Pfaltzgraff Philip vernam /
wolt er ihn da nicht lenger lassen / Sondern verschick
et in an seinen Rüstmeister gegen Nürnberg / der
einerfarner Man war / auff allerley Rüstung / zu Rit
terlicher übung gehörig / als mit schrauben / straley
sen / vnd anderen verborgenen stücken. Als aber
der selbige Meister ihnen die Kunst öffentlich zu le
ren einschew truge / vonn wegen der andern Mey
ster / gab der Knabe so viel deste mehr achtung auff
sein ding / vnd begriff es baldt / was man ihm wey
set / Denn es war in dem Knaben solche geschickli
keyt / was die augen sahen / das kundten die feinste /
(wie man pflaget zu sagen) nach machen / Sienge
im derhalben / do ers begundte an zu greyssen / rich
tig von der faust / schmidet seyne arbeit so sauber / als
ob es gefeylhet were / das tribe er ettliche Jar / biss er
alles

alles/ was zum Ritterspil dienstlich/ auff's beste zu-
richten kundte.

Allda nam hochgemelter Churfürst ihn wis-
derumb gen Hoff/ vnd machte einen Rüstmeister
oder Waffentreger (wie mans nennet) aus ihm/
Da behielt er abermals den preys/ denn welche Er
aus rüstet/ die lagen gemeiniglich ob/ des ward er
von menniglich gerhümet/ das endlich viel frem-
de Potentaten vmb in wurben/ Als nemlich/ der
König von Poln/ dem er etliche zeit zu solchem Rit-
terspil gedienet/ Hertzog Ulrich von Württemberg/
Hertzog Hans Fridrich/ Churfürst inn Sachsen/
Marggraff Christoff von Baden / Vnd andere
vmb geseßene Fürsten vnd Herren. Vnd erlangten
von hochgedachtem Hertzog Philippo Churfür-
sten/ das er inen zu solchem Ritterspiel gedienet/ die
es im auch reichlich belonet haben.

Als er aber nun dreyszig Jar alt war/ gedachte
ihn der Churfürst mit einer Ehelichen Deyrath zu-
versehen/ damit er ihn deste ehe im Lande behalten
möchte/ Vnd handelte vmb eines Namhaftigen
Burgers/ Hanses Reutes tochter zu Bretta/ Bar-
bara genant/ die ein Tugentsam vnd wol gezogen
Kind war/ Dieselbige im wardt aus schickung des
Allmechtigen Gottes/ vnd des Churfürsten vnter-
handlung Ehelich zu gesaget / vnd hielten ihren
Kirchgang zu Speyer/ inn beysein viler Rittermes-
siger menner/ die im zu seinen Hochzeitlichen Eh-
ren erschienen waren.

Vnd hielten sich die beyde Eheleute einander
lieb vnd wert/ Denn es war auch gedachter Georg
Schwartzerd sonsten ein rechter frommer Gottes-
fürchtiger

fürsichtiger Man / vnd dienete Got mit ernst / Betet
fleyßig / Dielt seine Betstunden wol so stracks / alls
irgendt ein Geistlicher / vnnnd ließ sich daran nichts
hindern / Stundt auch des Nachtes auff / fiel auff
seine Knie / vnd thet sein Gebet mit ernst. Es ist kein
fluch von ihm nicht erhöret / Auch keine Trunckens-
heit nie gesehen oder erfahren worden / biss an seyn
ende.

Er hat im Ehestand gelebt 4 Jar one Kinder /
vnd nach ausgang des vierdten Jars / welchs war
das 1497. donnerstag nach Inuocavit, wirdt ihm
sein erster Sohn Philippus / vnser lieber Herr vnnnd
Præceptor, geboren / in seines Schwerts Dans Keu-
ters / seines Grosuatters hause zu Bretta.

Also segenet Gott diesen frommen vnd Gottes-
fürchtigen Mann / Mit der gabe eines solchen Kin-
des / dessen hernach nicht ein Landt / Sondern viel
Lender / iha die gantze Christenheyt gros genossen
hat / vnd one zweyuel biss ans ende der Welt genieß-
sen wird.

Volgendes gab er ihm eine Tochter / Anna ge-
nand / die zu Dalbrunn verstorben. Vnd darnach
Georgen / der viel jar das Gerichte vnd Schultessen
ampt zu Bretta verricht / vnd noch inn Dans Keu-
ters / seines Grosuattern behausung wohnet. Vnnnd
hernach noch zwo Töchter / Margareta vnd Bar-
bara / die beide Ehlichen leuten vorheyrat worden
sein / vnd vil Kinder vn̄ Kindskinder haben / die sich
mit Gottes gnaden alle redtlich neeren / Das Got-
tes gnediger Segen hie wol zu spüren ist / der wölle
mit gnaden ferner bey ihnen sein / vnnnd sie alle mit
einander gnediglich regieren vnd erhalten.

Vntes

Vnter dessen aber wirdt Georg Schwartzerd
stets hin vnn d wider von Fürsten vnn d Herren ge-
brauchet. Als aber Maximilianus der Römisch
Künig/ ein Reichstag zu Wurmbis hielt/ Kam ein
Welscher Fandius Mandati dahin / Der lies aus-
schreiben / das er mit dem Künesten Deudtschen
Mann Kempffen wolte / Darzu erbott sich der Röm-
mische Künig Maximilianus / Nach dem er ein
Junger/freydiger vnd künner Held war/ Alda be-
rieff er auch diesen Georgen Schwartzerd / neben
andern vielen Künstmeystern/ Der verdiente sich doe-
mals vmb den Künig mit schöner vnd bestendiger
Künsturg seer wol/ Denn er lag ob/ vnn d erhielt den
Kampff/ Darumb ihn auch der Künig bey sich be-
hielt / vnd brauchte ihn neben Graff Ludwig vom
Liebenstein/ in Kriegszeiten/ Plang/ biss sich zwis-
schen der Küniglichen Maiestet / vnd Pfaltzgraff
Philippen dem Churfürsten/ etwas vnwillens zu-
trug/ daraus hernach der Beyerische Krieg erfolget.

Da wolte Georg Schwartzerd wider seynen
Landsfürsten nicht dienen/nam sein vrlaub/ vnn d
zog widerumb zu seinem Herren/ Da schicket ihn
Pfaltzgraff Philip sampt noch andern 14. Büch-
sen meystern/ heimlich gegen München/ Das er sie
als einen Schatz zum Kriege/ wenn es die noht er-
forderte/ brauchen köndte. Durch was mittel aber
solches den Feynden ist verkundtschafft worden /
weys man nicht/ Denn es wart inen der Brun den
sie brauchten/ vergiffet/ das ettliche in zweyen/ etli-
che in vier tagen storben/ das sie also inn kurtzer zeyt
alle nach einander dahin giengen / Aber diesen Bes-
org Schwartzerd/ lies der Churfürst durch seynen
B eygenen

eygnen Artzt mit so emfziger pfleg/ vnnnd guter waf-
tung verwaren/das er biß ins vierde Jhar hernach
itbte/aber doch schwächlich/ vnd ist zu Bretta den
29 tag Septembris, Anno 1508. Christlich vnnnd see-
liglich verstorben/den 11. tag nach abgang Dans
Keuters seines Schwuers seligen/denn sie sind beyd
in einem Jar vnd Monat gestorben.

Nach dem aber des Derren Phillipi Vatter/
wie gehöret/offt ausreyßen mußte/vnnnd nicht statts
daheim kundte sein/Befahle er seinem Schweher
Dans Keutern/achtung auff die Kinder zu geben/
Das sie fleysig zur Schule gehalten wurden/vnnnd
etwas fruchtbarlichs lernen möchten. Nun war
offtgedachter Dans Keuter/gar ein feyner verständig-
diger Man/der selbst gestudiert/vnnnd die Kinder
sehr lieb hatte/der auch inn grossem ansehen/vnnnd
bey yederman wol gehöret war/Nach dem er das
Schultesßen ampt etliche jar verricht/vnd darnach
im Raht gemeiner Stadt viel dienete/ Der schickte
seiner Tochter Kinder/Philippum vnnnd Georginum
auch seines verstorbenen Sons Kinder/Johannem
vnd Schwickerten/mit einander inn die Schule/
lies besondern fleis mit jnen haben/das sie inn irem
studieren fort kommen solten/In dessen fiel die ab-
scheuliche krankheit der Franzosen ins landt/vnd
wardt der Schulmeyster zu Bretta auch krank
daran. So bald nu Dans Keuter das erfur/wolt er
die Knaben nicht mehr zu gemeiner Schule gehen
lassen/Sondern hielt jnen einen besondern Pädago-
gum. Johan Dungerer/von Pfalheim genandt/
der leret die Knaben in des Grosnatters hause mit
allem fleys/vnnnd lernet Philippus für andern seyn
Gram

Grammaticam wol/das er sein fertig darinnen war.
Da nun der Grosvater den fleis spüret/kauffte er in
ein Missal. damit den Knaben neben anderer lere die
Kirchengesenge auch eingebildet würden/ Denn sie
mussten im alle Feiertag mit zu Chor treten.

Zu der zeit zogen die grossen Bachanten im lan-
de hin vnd wider/ So denn einer gen Bietra kam/
so hetzte der Grosvater Philippum mit Disputation
an in/ Es war aber selten einer der in bestehen mochte/
Das gefiel dem alten Mann seer wol/ Vnd hatte
seine sonderliche freude daran. Auch ward der Knabe
be dardurch kecker/ vnd gewann grosse lust zum stas-
dieren/ So lies es auch der Grosvater an Büchern
vnd andern dingen nicht felen/ damit der Knabe ja
nicht gehindert würde.

Als er aber im 1508 Jar/ den 18. Septembris
inn Gott seliglichen verschiede / Hatte Georgius
Simler VVimpmentis, zu Pfortzheim eine gute
Schule angerichtet / die war inn grossen Beruffe/
denn er leret treflich wol. Dahin wardt Philippus
zu Doctor Johann Keuchlins Schwester geschickt/
die im mit Freundschaft verwant war/ das er alda
inn die Schule gehen solte / so pfleget gemelter Doc-
tor Johann Keuchlin / der domals für einen vber-
treflichen Gelerten Mann gehalten ward/ offtmals
gen Pfortzheim zu kommen/ Das er seyne Schwe-
ster besuchte / Als er aber des Knaben fleys sahe/
vnd des schönen vnd richtigen Ingenn innen ward/
nach dem er im auch one das mit Freundschaft zu-
gethan war/ gewan er grosse lust zu im/ vnd reytzte
in mit vilen lob/ guter Kunst/ vnd andern verheyl-
sungen/ davon der Knabe viel fleissiger vnd lustiger

B ij

zum

zum studieren wardt / Sagete jm auch zu / Wenn er
so fort fure / So wolte er ihm zu seiner ersten wider-
kunfft sein Doctor Paretlin / das er inn Welschland
empfangen hette / schencken / wie er denn auch thet /
Vnd kam inn kurtzer zeit von Stutgarten / da er sey-
ne Wohnung hatte / wider gen Pfortzheim / brachte
ihm das Paretlin / daran hatte Philippus ein gross
wolgefallen. Nam auch in seinem studieren so zu /
das er bald hinauff vnter die grossen vnnnd Eltesten
Gesellen gesetzt ward.

Zu derselbigen zeit begunte auch die Griechische
sprache herfür zu brechen / Vnnnd war neben gemel-
tem Schulmeister ein Collaborator, Johanes Wil-
tenbrant / ein Gelehrter Ehrlicher Mann / der lass bes-
sonders an den Feyertagen priuat lectiones, in Griech-
ischer Sprache / den höret Philippus gantz fleysig /
also / das er inn kurtzer zeit die sprache zimlich verstes-
hen lernet / allein war der mangel / das man diesel-
bige zeit nicht Griechische bücher haben kundt. In
dessen kam abermal D. Johan Keuch. gen Pfortz-
heim / als er nun vernam / das Philippus die Spra-
che auch angefangen zu studieren / schenckte er ihm
ein Griechische Grammaticam, Mit verheyssung /
das er jm auch ein Griechisch Vocabularium schen-
cken wolt / Doch mit dem beding / so er jm bis auff
seine widertunfft ettliche Lateynische Vers machen
würde.

Als aber Doctor Keuchlin in kurtzen tagen wie-
der gen Pfortzheim kam / war Philippus mit seinen
Carminibus bereit fertig / vnnnd vberantwortet
die dem Doctor / da schencket er jm das versprochne
Vocabularium, dessen Philippus so erfreuet wardt /
als

alls hette er einen seer grossen Schatz empfangen/
danckt jm gantz fleissig/vñ richtet die Comœdia die
er Doctor Neuchlin gemacht hatte/ ihme zu Ehren
an/distribuiret die Personen vnter den Gelehrtesten
Gesellen aus/vnnder welchen denn Franciscus Ire-
neus auch einer war.

Als nun eben domals das Capitel ein Conui-
uium hielt / vnd Doctor Neuchlin auch darzu gela-
den hatte/kam Philippus mit seinen Gesellen/ vnd
recitirt die Comœdiam so lieblich vnd zierlich/ Das
yederman ein gefallen dran hette/ Vnd alls er nicht
gar zwey jar da gewesen war/ zog er gen Heydelberg
vnd ward Baccalaureus.

Nach dem aber Graff Ludwig vom Liebens-
stein/von dem oben ist geredt worden/ zwen Söne
hatte/die er studieren liess / gab er dieselbigen Phi-
lippo vnter seine Disciplin. Nichts dester weniger
complirt Philippus Ad Magisterium. Do nun die
zeit nahe/ das er promouiren solte / disputirten die
Professores ob er auch zu zulassen sein möchte/ Die-
weil er noch so jung vnd kindisches ansehens ware/
Als Philippus das vernam/wolte er da nicht pro-
mouiren. Sondern zog gen Tübingen/vnnd wardt
da Magister. vnd deliberirer lang / zu was facultet er
sich begeben wolte.

Also kam er in Thomas Anshelms Drucke-
rey/vnd ward bey zweyen jaren sein Corrector. eben
auff die zeit/ da er das Chronicon Doctoris Iohannis
Naucleri drucket. Als aber das erste theil seer ver-
wirret war / musste er das selbige inn eine ordnung
bringen vnnd richtig machen / Welches er one die
Bibel nicht zu wegen bringen kund. Es war aber

zu der selbigen zeit die Bibel schwerlich zu bekommen/
Jedoch bekam er enntlich eine inn kleiner form / Die
las er emsig tag vnd nacht / vnd gewan also grossen
lust zu der Theologia, Wörtlich lectiones Theologi-
cas, vnd studierte die Griechische vñ Hebreische spra-
che darneben / Darzu gab im Doctor Keuchlin Bü-
cher / vnd lies bey dem selbigen Anshelm / auch sein
Buch De uerbo mirifico drucken.

Zu dieser zeit hat Doctor Martinus Eueherus
angefangen zu schreyben / vñnd wuchs die Schule
zu Wittenberg mit gewalt. Vñnd als dis mal
Hertzog Friderich der 3. Churfürst Regieret / Hatte
er ein gros gefallen an der Vniuersitet, fördert vñnd
bessert die mit aller notturfft / Bewurb sich vmb gu-
te leuthe / vñnd hette sonderlich geren einen Profess-
orem Graecæ linguæ gehabt / Sandte derhalben eyne
Legation zu Doctor Keuchlin / lies in bitten / das er
ihm eine tüchtige Person zu solcher Lectur anzeigen
wolte. Der Doctor zeigt solches seinem Vetter
Philippo an / Philippus erbotte sich seinem Racht zu
volgen / das thet der Doctor dem Churfürsten wie-
derumb zu wissen.

Also schicket der Churfürst Derren Phillippo
bald die Vocation zu / die er mit eigener Hand vnter
schriben hatte / Ermanet ihn seines Vatters Seligen
getrewer dienste / die er seinem Derren Vatter seligen
gethan hatte. Erbotte sich auch ime für seine dienst
guten willen zu machen.

Inn des schicket Hertzog Ulrich von Wirtens-
berg (der Philippum gerne im Land behalten hette)
Cunradt vonn Sickingen / damals seinen Die-
ner / zu des Derren Philippi Mutter / Lies ihr anzei-
gen /

gen/wenn ihr Son Philippus Beyfällich zu werden
gesinnet were/So solt er sich bey ihr Fürstlich Gna-
den angeben/denn wolt er in vmb seines Vatern sel-
ligen getrewen dienste willen/ mit einer stadlichen
Pfründe versehen. Aber Philippus war nicht gesin-
net Priester zu werden/Sondern gedachte auff des
Churfürsten von Sachsen schreiben / ihren Chur-
fürstlichen Gnaden/vnd der Vniuersitet zu dienen/
wie denn geschah.

Damals hielt Keyser Maximilianus Anno
1518. seinen letzten Reichstag zu Augspurg/dahin
Wertzog Friderich der Churfürst auch came. Vnd
alls Doctor Martinus Luther etliche Schriefften
hatte lassen aus gehen/vnd sich damals in Glaub-
bens sachen der zand anhuben/ Nam der Churfürst
den Herren Spalatinum mit sich auff den Keychs-
tage/dahin auch Philippus kam. Also wardt Er
gleich durch den Churfürsten dem Spalatio zu-
gethan/die bliben bey einander / biß zum ende des
Reichstags/Vnd von dannen furen sie gen Witten-
berg/vnd haben alda mit einander in liebe / frid vñ
einigkeit vil notwendiger nützer arbeit gethan/wel-
ches alles hie zu erzelen / viel zu lang werden wolte/
vnd wird danon/vnd andern/was Philippus er-
standen/gethan vnd aus gerichtet hat / ein sonder-
licher Bericht gethan werden/mit weiterer erklerüg
vñ gemelter Distorien. Wollen derhalben dieses
hiebey bleiben lassen/vñ allein bericht thun von sey-
ner schwachheit vñ Christlichen Abschied aus dieser
Welt/ sagen/wie wirs gehört vnd gesehen haben.

In diesem 1560. jar/den 19 Aprilis/ Ist vnser
Lieber Vatter vnd Praeceptor seliger/ Philippus
Melan-

Melanthon drey vnd sechzig Ihar/ vnd drey vnnnd
sechzig tage alt worden/ Vnd hat gar nahendt das
alter/ des Ehrwürdigen vnsera auch lieben Vatters/
Doctori Martini Lutheri seligen erreicht.

Alls er aber nun ein abgearbeyter Mann/ vnd
dieses lebens satt war / hat er sich ettliche Ihare
zum sterben gerüstet / Wie er denn auch vonn sich
geschrieben/ das er dieses wesens müde were/ Vnd
derhalben nun mehr seine gedancken/ auff ein an-
der Leben / zu seinem lieben VERN Ihesu Chri-
sto richtet. Er hette in diesem leben gethan / so viel
er gekundt hette / vnnnd das ander Gott befolhen/
Vnd tröstet sich dessen / das ers getrewlich vnd gut
gemeinet/ hette auch dessen halben ein frölich vnnnd
gut gewissen/ das gedachte Er / mit Gottes hülffe/
vnuerletzt zu seinem lieben Weilandt Ihesu Christo
zubringen / vnangesehen / was die vndanckbare
Welt darzu saget.

Inn diesem sechzigsten Ihare aber hat er sich
sonnderlich oft hören lassen / Das er nicht lange
mehr leben würde / Denn so offte er höret oder er-
fure/ das seine Widersacher etwas wider ihn schrie-
ben/ oder geschrieben hetten/ oder sonsten vnter eyn-
ander Practicirten/ so saget er/ Last sie immer schrey-
en/ biss sie es genug haben/ vnd machen wie sie nur
wollen/ Ich werde sie nicht lange mehr irren / Ich
wil aber fleissig leren/ vnd der Jugent einfeltige er-
klerung der Warheyt mit Gottes Genaden für tra-
gen/ so lange ich lebe/ vnnnd darneben Gott bitten/
das er mir einen frölichen Abschied verleyen wölle/
Wie er denn zwen Vers des Inhalts gemacht hat/
das er kein mal sich nider leget oder auff stunde/ Er
bitte

chtige lufft wehe / vñnd krieget ein reyffen im leybe /
mit einer durchfelligkeit / dauonn er etwas pleicher
wardt / denn er sonst pflegte zu sein / Es vergieng
im aber bald. Er klaget auch im wagen / das im der
frost den gantzen Winter vber nicht so wehe gethan
hette / als yetzundt / krummet sich derhalben zusam-
men / stellet sich also / das mans sehen kundte / das
im nicht allzuwol sein muste. So klaget er auch das
er mit dem fahren den Stein erreget hette / wie ihn
denn der vil Jar geplaget hat.

Aber am sibenden tage Aprilis, inn der nacht /
kriegte er eine hitz / mit einem zimlichen starcken huz-
sten / Das er die gantze Nacht durch aus nichts
schlieff / dauon er sehr matth war / Denn der schlaff
enthelt sonst alte leuthe / Vñnd er hatte one das die
Genade / das er bey gesundem Leibe wol schlaffen
mochte / wo auch das nicht geschehen / were zu be-
sorgen gewesen / das er es so lange nicht würde ge-
trieben haben. Auch ward ihm der Athem kurtz /
vñ verfiel vnter den augen / das wir darüber erschra-
cken / Vñ hat in one zweuel die nacht das dreitagig
Siber an gestossen / Wie es sich denn hernachmals
aus gewisen hat. Vñd wiewol er so schwach ward /
das er kaum zwey oder drey zeylen schreiben kundt /
da er sich nicht ein mal auff die Sidel hette nider le-
gen vñd ruhen müssen / So wolt er gleichwol seine
arbeit vñnd Lektionen nicht vnterlassen / Sondern
schriebe / wie gesagt / vñd las / vñd kundt ihn dauon
niemandt abhalten.

Da nun das also geschah / fodert Doctor Ca-
spar Peucer einen seiner guten freunde zu sich / Des
morgens frū vmb sechs Schiege / zeygete dem an /
wie

wie er seines Schwachers halben hoch bekümmert
were / Denn ob wol so gar grosse gefahr nicht zu
kennen were / So hatte er sich doch vber keiner seines
Schwachers schwachheit so hart bekümmert gefület /
als eben vber dieser / vnd müste sich demnach allers
ley befürchten.

Also wardt für gut angesehen / das man Jo
achimum Camerarium fordern solte / Als der nun
lenger denn viertzig Jar mit Philippo gute Kundt
schafft gehabt / vnd inn solcher freundschaft mit
im gelebet hat / als ettwan leute leben möchten / wel
chen auch der Herr Philippus wol leiden kund / vñ
war also den selbigen tag Camerario geschriben / vñ
angezeigt / wie es mit dem Herren Philippo eine ges
legenheit hette.

Das mal schreib Philippus zu einem guten
freund in Sachsen / vnd klagt im wie er so schwach
were / vnd zeigt an / das er nach der Reise von Weis
delberg / so schwach sich noch nie gefület hette / Er
hielte es aber dafür / das in Gott villeycht ex Lystris
ca Synodo, damit die Flacianer vmbgiengen / erretten
wolte / Welches eine Weissagung gewesen ist / von
seinem Tode.

Auff dem andern Synodo zu Epheo / schlügen
die vnvernünftigen vnd wütenden Paffen / Dioscorus
mit seiner Kotte / einen Heiligen / Gottfürchtigen vñ
Gelerten Man Flavianum, der ein Bischoff zu Con
stantinppel war / vnd recht lerete / vnd traten in mit
füssen / das er in wenig gen hernach starb / Daher
der selbige Synodus noch auff den heuligen tage der
Wörder Synodus genennet wird.

Er brauchte aber das mal seinen Eid n³ 1 ey
nenn

wem Medico / wie er ihn denn zuuor auch gebraucht
hatte / der schmieret in vnd legte im secklin auff / vnd
machte ihm ein Bade / das der Stein deste senffter
abgehen solt / wie ihm dann zuuor das alles wol bes-
kommen war / Aber Philippus sagte bald / es wer-
der stein nicht sein fürnembste Kranckheit / Er meis-
net aber es wer ein Zeher schleim / der ihn so plagte /
das doch auch nicht war / Wie sichs hernach aus
weyset.

Als er nun ein gute weyle still geschwigen hat-
te / hebt er an vnd spricht / Ist es Gottes wille das
ich sterben soll / so wil ich hertzlich gerne sterben / vñ
bitte Gott nur allein vmb einen frölichen abschied /
vnd scheint / alls habe er auff den Lobgesang des
guten alten gesehen / das er eben des wörtlins / Frö-
lich / gebraucht hat.

Da er nun die Brieffe verfertiget / leget er sich
wider nider auff seinen Kock / vnd ruhet bey einer
stundte / Kurtz vor achten stehet er widerumb auff /
vnd spricht zu M. Esromo vnd M. Sturione / die das
mals bey ihm waren / Ich bin nun ettliche jar her ge-
wönlich vmb diese zeit schwach gewesen / Aber diß
jar ist mir vmb viler vrsachen willen / welche er eins-
teils erzelet / sonderlich geferlich / vnd ist sich zu bez-
fürchten / das eine Thewrung volgen möchte / Niet
derhalben der Vniuersitet / das sie Korn inn vorrath
kauffen solt / welches auch geschehen / vnd alls zum
zeugnis seiner Vätterlichen vorjorg behalten wird.

Nach dem er aber meinet es were vmb neune /
da er sonst Dialecticam zu lesen pflegte / rüstet er sich /
nach dem Collegio zu gehen / vnd ob wol dafür ge-
beten ward / mit fleysziger vermanung / das er seyner
schonen

schonen solt/ sagte er doch/ Er wolte nur ein halbes
stündlein lesen/ vnnnd darnach Baden Gehet also
herfür nach dem Ofen / darauff er sein Wandtbes
cken hatte/ vnnnd wil auff's Bencklein/ das für dem
Ofen stand/ steygen/ vnd die Händ waschen/ aber
er war so matth/ das er den letzten Fus nicht hins
nach heben kund/ vnnnd were bald wider rucklings
herab gefallen/ Da saget er / Ich werde euch aus
leschen wie ein Licht/ denn er liess sich bald im an
fang seiner Kranckheit mercken/ das ers nicht lan
ge mehr treyben würde. Redet offft vnnnd vil vom
Todt seer weyslich vnd tröstlich/ wie wir denn etli
cher derselben Reden hernachmals gedencken wol
len. Also gehen yetzt gedachte beide Magistri mit im
hinab ins Collegium vnd liessen ihn also gehen/ der
hoffnung/ es solt damit die Lektion verhindert wer
den/ wiewol wir befürchten/ das er wol die stunde
lesen müchte/ Dieweil er wuste/ das der Lector nit
anheims war/ der die selbige stunde zu lesen pflegte
te.

Als wir aber inn das Auditorium kamen/ was
ren seer wenig Studiosi drinnen/ die zeigten an/ Das
es noch nicht achte geschlagen hett / da spricht Er/
Was machen wir den hie? Kehret also mit den
zweyen wider vmb/ vnd vnter wegen sagt er/ wenn
ich biß ghen Kemberg gienge/ so möchte es besser
mit mir werden/ Wiewol es im seiner schwachheit
nach/ vnnmöglich wer gewesen/ Jedoch fület er sich
da er widerumb heim kam/ etwas geschickter/ vnd
bleyb gleychwol auff seiner meinung/ Das er noch
wens neune schüig/ lesen wolt. Vnd wiewol etliche
meinten/ mann solte anschlahen/ das er nicht Lesen
würdt/

würde / das er nit etwa nach dem reden zu schwach
werden möchte / So musste man sich gleich wol bes
örigen / wenn er wider keine / vnd fünde niemandt /
das er möchte zornig werden / vnd von der selbstigen
bewegung mehr schadens nemen / denn vom lehen /
Darumb hat man ihn auch die folgende tage auff
solche wege nicht mit gewalt hindern wollen / Dat
ihn aber sonst alle mal fleissig gebeten / das er seiner
schonen wolte.

Da er wider heim kam / legete er sich abermal
auff die Sidel nider / so gehet M. Esrom weg / vnd
saget / er wolte seine Brieff zu sigeln / die er an Camer
rarium geschriben hette / Spricht Philippus zu ihm /
er solte Camerario schreiben / das er seines steins hal
ben nicht gen Meissen kommen könne / Denn da
solte er auch die Knaben Examiniere. Also blieb Stu
rio da / mit dem redet er von der Materia / die er her
nach in der lection gehandelt hat / vnd weisete im
den locum aus dem Nazianzeno.

Da es nun neune schlug / gieng er widerumb
mit den vorigen beiden nach dem Collegio / lass vnd
explicirt das Argument im Nazianzeno sein richtig
vnd war das: Wenn einer einen gefangen nimpt /
so ist man ihm die ranzaun oder bezalung zu geben
schuldig. Nun saget der heilige Apostel Paulus /
2. ad Timoth. am andern Capit. Das wir vnter des
Teufels strick gefangen ligen / zu seinem willen /
so wil volgen / das ihm die Ranzaun oder bezalung
gebüre / darauff sagte er / müste man also antwor
ten: Es were war das die Ranzaun oder bezalung
dem von rechts wegen gebüret / der einen andern
gefangen hette / So anders der gefangene wolte los
sein /

sein / Ja so er anders inn einem rechtmessigen vnd
auffrichtigen billigen Kriege gefangen were wor-
den / Als denn were der Gefangene one zweyuel die
bezalung zu thun schuldig. So er aber von einem
Mörder vnd Strassenreuber gefangen ist / so were
er im mit recht eben nichts schuldig zu geben / denn
einem mörder vnd strassenreuber gehört von rechts
wegen / das Schwerdt oder das Kat / für solch sein
gefangen nemen / vnd spricht das Recht den gefan-
genen one gelt los. Nun stehet vom Teuffel auch
geschrieben / Das er ein Dieb vnd Mörder sey von
anfang / Darumb gehört dem Teuffel keine ander
bezalung / denn Gottes gericht vnd ewige verdamm-
nis / Denn er hat vns nicht in einem redtlichen vnd
rechtmessigen Kriege / sonder wie ein dieb vnd mör-
der gefangen / Darumb ist ihm auch vnser lieber
WELCHER Christus inn der bezalung für vnns / nichts
schuldig / denn Dellisch ferner vnd ewige pein / das
sol sein Tranckgelt für disfangen sein. Die Beza-
lung aber gehört Gott vnd seinem Rechten / Wie
das inn seinem Gesetze geoffenbaret ist / Vnd die ist
Christus als ein Mittler zu thun schuldig / vnd hat
sie auch reychlich genug gethan / Nicht mit Silber
vnd Gold / sondern mit seinem teuren Blut / damit
er das Gesetz erfüllet / vnd der Gerechtigkeit Gottes
genug gethan hat / etc. Vnd werete die Lection nicht
vber eine viertel stunde / Es gedencet auch niemand
das er yemals so bald hette auff gehört / vnd redet
gleich wol noch so frisch / als ob er gar gesundt we-
re.

Da er aber heim kame / setzet er sich bald ins
Wannen bad / bleyb etwan ein halbe stunde darin-
nen /

nen/darnach gieng er zu Tisch / vnd war etwas geschickter denn zuvor / Als aber wenig/ macht sich doch frölich/ das jr vil hofften / es solt nun hinüber sein/vnd hinfort kein noht mehr haben / Darnach legte er sich zu ruhe/ vnd schliff vast bey dreien stunden/danon er widerumb so fein erquicketward / das wir alle mit einander mehr hoffnung zur besserung gewonnen.

Vor dem abendtmal vorfertiget er noch etliche schrift/kam darnach zu Tisch/vnnd war sehr fein/ Allein das er matth vnnd lösig war. Die folgende nacht aber/ wardt ihm etwas beschwerlicher/denn bald nach Miternacht/kam in das fiber widerumb an/vñ da ward man erst gewar/was seine Kranckheit were/ Vnd sagt im sein Lyden Doctor Caspar als ein Medicus. seine Kranckheit were nicht der stein allein / Sondern es wer ein Febris tertiana mit/ So sagte es auch der Herr selbs / das er ein feber fület/ vnd da er auch des morgens vmb fünffe auf stand/ mercktt man eygendtlich / das es im abnemen war/ Also wardt ihm den selbigen tag nach dem feber/ welcher war der 9. Aprilis. ein wenig besser/vñ thet die fünff tag nach einander seine gewöhnliche Arbeit/vnd versennpte nichts/ Fuhr auch fort in seinem Chronicon. Vnd nach dem er die Historiam Caroli Magni für hatte/ vnd eben dauon sagen muste/ wie ihm der Roland seiner Schwester Son/ vmbkommen were/recitirt er auch das Epitaphium, welches Carolus Magnus dem Roland selbst gemacht haben solt/vnd hielt in sich diesen sentenz:

Du zeuchst hin ins recht Vatterlandt/
Vnd lest vns in betrübttem standt/

Dein

Dein Reich hat nun ein schönen Saal/
Wir aber sind in angst vnd qual.

Dises redet er mit solchem lust/ das man merckē
künd/ das er eine sonderliche Freude daran haben
muß.

Also köndten wir yetzund auch billich von vn-
serm lieben Vater vnd Praeceptore Philippo sagen/
vnd wir zwar nicht allein/ sondern mit vns die ganz-
ze Christliche Kirche/ denn er ist one zweifel in sei-
nem rechten Vatterland/ bey vnserm lieben Herren
Ihesu Christo in ewiger freude/ in dem himlischen
Saal/ Wir aber in ellender betrubter vnd fehlicher
zeit/ in diesem jammerthal/ wie alle vernünfftige ses-
hen vnd verstehen können (Wir haben aber yetzund
zu klagen nicht für genommen) Dis ist die letzt Lectio
die er im Chronico gethan hat/ da er von der Grabs-
schrifft des Rolands vnd seinem todt saget/ das Er
wie etliche schreiben/ dinsts gestorben were / Vnd
sagt darzu/ das gemeiniglich trefliche Denner vns
versehens weg genommen würden.

Des andern tages/ welcher war der zehende
Aprilis/ war er vnser bedunctens nach/ des Febers
gantz frey/ vnd machte im der Medicus einen tranck
der im/ wie er selbs saget/ wol bekommen wer/ vnd
wir hetten alle gerne gesehen/ das er geruhet/ vnd
seiner geschonet hette / Aber er wolte nichts verseu-
men. Vnd da er vernam/ das die Herrn der Vniuer-
sitet zu handeln hatten/ daran gelegen war / gieng
er zu Mittage umb zwölffe zu ihnen / Auch vnerfor-
dert/ damit ja so viel an im were/ gemeiner nutz ge-
fürdert würde/ Vnd wie er in summa vor ye vnd alle
wege gemeinen nutz seiner wolfsart vorgesetzt hat/
D also

also thet er dits mal auch / vnangesehen das darfür
gebeten ward / Denn vnns dazumal kein handel so
gros hette mögen fürfallen / das wir deshalb bey
solcher seiner gelegenheit ihn hetten bemühen sollen
oder wollen / Vnd redet das mal sehr ernstlich vnd
hefftig wider ettliche / so sich vnruwig vnd mutwil-
lig gehalten. Sellet auch einen seer ernstten Sententz /
vnd vermanet die jenigen gantz Christlich vnd Väter-
terlich zur versünung vnd einigkeit / vnder welchen
gleichwol ein fehrlicher zant entstanden war.

Wir wissen vns zu erinnern / Das er eins mals
auff eine zeit / da er vber solchen Wendeln hefftig bez-
weget war / sagete / der zorn / die sorge / vnd die grosse
arbeit / fressen mir mein leben hinweg. Aber der han-
del / danon wir jetzt gered / gewan noch einen guten
richtigen ausgang / das er noch gutes muths / vnd
one zoren wider heim gieng / schreib vnd corrigire
noch den selbigen abendt einen Druck an der Leich-
predigt Hertzogs Philips in Pomern / die damals
hie gedruckt wardt / auch ettliche Epicedia. Vnd dits
machte vns gedancken / das er eben in seiner Franck-
heit am meisten mit den Leichpredigten vnd Grab-
schrifften zu thun hatte / dieweil er selber saget / Ich
gehe yetzundt nur mit sterbens sachen vmb / Dieser
löbliche Fürste aus Pomern / der yetzt gestorben ist /
hat Philippus geheissen / Vnsleicht werde ich der nez-
heste Philippus sein / aus dem gemeinen hauffen /
der dem frommen Herrn volgen wird / Vnd wiewol
er das in einem schertz redet / so hat es sich doch aus-
gewisen / was solche reden bedentet haben.

Den Fuffften tag Aprilis / Krieget er das Fieber
auf

auff den abend wider / Aber den tag vber schreibe er
wider fort an / lass vnnd thet alle arbeits wie er sonst
pfleget / daher auch der meiste hauffe hoffnung ge-
wan / es solte nicht not mit ihm haben / Er hett wol
ehe ein grössers vberwunden / vnnd sahen doch sein
grosse mattigkeit vnd schwachheit alle die mit im vff-
giengen / Ward derhalben von ernster vnd steter vor-
bit nichts vnterlassen.

Ungeacht aber der selbigen grossen mattigkeit
vnd schwachheit / las er noch des morgens im Colle-
gio. vmb sechs / das 17 Capitel Johannis / Von dem
Gebet Christi / Wie er sonst die Feiertage pflegete zu
lesen / Inn dieser Lektion gedacht er abermal seines
sterbens / wie er denn auch vor wenig Tagen thet /
da er einem Knaben einen schönen Sententz saget /
vnd spricht zu im: Den sententz behalt fleissig / vnd
gedencke daran wenn ich ein mal Todt bin. Er fas-
set aber das mal das Gebet Christi / seinen zuhörern
in die drey Hauptstücke / das Christus gebeten het-
te. Erstlich / das ja der Himelische Vater eine Christ-
liche Kirche im Menschlichen Geschlechte sammeln
vnd erhalten wolt. Zum andern / das sie Friedlich
vnd eintrechtig sein solt. Zum dritten / das sie auch
selig / vnd Erben des Ewigen lebens werden solten.
Da er nun die drey Hauptstücke also erzelet hatte /
sprach Er / Ich gedencke das mein lieber Vatter sel-
liger / drey tag vore seinem todte diese drey stück auch
gebeten hat / Vnnd sagte als bald darauff / Diese
drey stücke will ich auch meinen Kindrichen lassen /
wenn ich sterbe / Das sie in rechter Christlicher Kir-
chen sein / Das sie eins sind in ihm / vnd eintrechtig
vnter einander / Vnd das sie Erben des Ewigen Les-
bens

bens sein. Wie nun sein Vatter solches drey tage vor
seinem Ende gebett hat / Also bette er es Philippus
neun tage vor seinem Ende.

Dann kundt aber da nicht mercken / das sich
etwann die kreffte wider gefunden hetten / Es war
auch weder zu Mittage noch auff den Abendt keine
lust zu Essen inn ihm / Kriegeret auch bald nach dem
Abendessen das fiber wider / welches ihn da zum
dritten mal an kam / vnd schlieff die nacht vber seer
wenig / vnd wiewol in das fiber vnnnd das wachen
die nacht vber nicht wenig gemattiget hatte / stund
er doch des morgens vmb viere auff / am Charfrey-
tage / welcher war der zwölffte Aprilis / vnnnd gieng
darnach wie es vmb sechs war / ins Collegium vnd
las / da er doch sonsten / wenn ihm wol war / von
den fruen Lectionibus vmb des laut redens willen /
pflēgete matt zu werden. So hat mans auch et-
liche jar her mercken können / das ihn das viel reden
an den Fest tagen inn seinem alter geschwecht hat /
Sonderlich vmb Ostern / da er alle mal fünff tage
nach einander in der Früstund vom Fest vnter einer
grossen anzal volcks geredt hat.

Es versuchten wol ettliche / die seiner Schwach-
heit sorge trugen / da er noch zu Leyptzig war / Ob
sie ihn durch andere mittel von solchem Frülesen zu
der zeit künden abhalten / es geriet ihnen aber nicht.
Es waren auch Fürstliche Brieffe da / Das er solte
gen Weissen ziehen / die Schule zu uisitiren. er wolte
aber auch nicht / damit auff das schöne Fest / dar-
auff viel grosser nützer Lere gefallen / die Studiosi al-
hie der selbigen nicht beraubet würden. Aber Gott
hat das alles gnediglich regieret / das er wider her
komen /

Komen/vnd an dem ort/ vor den augen vnnnd vnter
den henden/ deren/ die er lieb hatte/ hat sterben sol
len/ da er nun 42 jar nützlich geleret hat.

Er las aber damals das 53. Capitel Esaie / vñ
do er kame auff den locum vom neuen gehorsam/
bald am ende der Lektion saget er / Es ist auch vnser
fleis vnnnd Ritterschafft von nöten / Damit er zu er
kennen geben hat/ auch in seinen letzten tagen/ Das
er im seinen Beruff vnd Ampt/ hat lassen ein Ernst
sein. Vnd diss ist seine letzte Lectio gewesen/ Denn
die am Ostertage wardt verhindert/ Wie wir baldt
berichten werden.

Nach mittage hat er angefangen/ die Vermaa
nung zu schreiben/ Die man nach gewonheyt dieser
Schul vnnnd Kirchen jhärlich auff den Ostertage
pfleget an zu schlagen. Diesen abendt haben viel
glaubwürdiger leut zwischen neune vnnnd zehen am
Dimel gewulcken gesehen/ Welche wie gebundene
Kuten gestalt gewest/ vnd sind derselbigen Erstlich
fünffe gesehen worden / dauonn die zwey baldt ver
schwunden / drey aber sindt eine ebene weile stehen
bliben/ haben die style gegen der Stat gekeret nach
mittag/ vnd das fördertheil nach mitternacht.

Da nun solches dem Herren Philippo ange
zeigt wardt/ sprach er/ Das bedeut Gott lob/ eine
Väterliche straffe/ denn die Väter brauchen Kuten
vnd keine Schwerter/ Ich halt aber es werde vnns
Got mit Thewrung straffen/ Aber unsere Widersas
cher werden eine hertere straffe leyden müssen. Er
hat aber sonst auch offte vor seiner Kranckheit gesa
get/ Das der grosse muhtwillen vnnnd die vndanck
barkeit des Volcks/ sampt der mannigfeltigen Ab
götterey

götterey nicht könne vngestraftet bleiben / es werde
Gott ein mal auff wachen vnd drein sehen müssen /
das wirs fülen / vnd daran ist kein zweifel / Denn
das volck wird sicher / vnd lehret sich an keine ver-
manung / vnd wenn das geschicht / so ist die straffe
nicht weit / Der allmechtige Gott sey vns genedig /
den wir von hertzen bitten / das er inn seinem zorn
auch an sein Barmhertzigkeit gedenccken wöll.

Die folgende nacht hat er wol geruhet / vnd
sanffte geschlaffen / Vnd er saget / es hette im getrew-
met / wie er gesungen hette / Mich verlanget hertz-
lich mit euch disß Osterlamb zu essen / auff die Mes-
lodey / wie mans vor zeiten lateinisch in der Kirchen
gesungen hat / vnd hette so laut geschrien / Das Er
darüber erwacht were / Vnd dieweil er so wol ges-
chlaffen hette / stund er den 13. Aprilis des morgens
vmb drey auff / die Schrifft volgens zuuerfertigen /
die man den Ostertag anschlahen solte / Welches
auch seine letzte Schrifft gewesen ist / die man ange-
schlagen hat.

Da er nun inn die Kirche gieng / nam er die
Schrifft mit sich / vnd trug sie zum Drucker / Das
sie denselbigen tag noch gedruckt würde. Darnach
gieng er inn die Kirche / Beichtet / lies sich Absolui-
ren / vnd empfieng mit andern fromen Christen inn
rechtschaffenem Glauben / den Leib vnd Blut uns-
sers Wahren Ihesu Christi / mit dancksagung vñ
fleissigem Gebet. Nach mittag vmb zwey gieng
er wider in die Druckerey / das die Schrifft / die Er
zu morgens hinein getragen hette / gedruckt würde /
vnd nicht etwann seumnis geschehe. Vnd dieses
ist das

ist das letzte mal gewesen / das er aus dem Haus ge-
gangen / Denn er hat sich hernach stets inne gehal-
ten.

Umb diese zeit fand sich das Fieber wider / vnd
machte in seer verdrossen / ward matt / vnrüig / vnd
zirterten ihm die glieder / legte sich ein weile auff die
Bank nider / vnd stund wider auff / gieng in seiner
stuben umbher / blibe nicht lange / gieng hinab in
die vnterste stube / vnd stellte sich so / Das mans se-
hen kunde / das im nicht wol was. Als er wider
hinauff gehen wolte / setzte er sich auff der Treppen
nider / vnd legte den kopff inn die hende / Vnter des-
sen kompt eben Joachimus Camerarius / gehet ins
Haus hinein / vnd findet Philippum so sitzen / Da
siehet Philippus auff / vnd empfehet ihn / vnd Red-
den eine weile mit ein ander / bald schlechts fünffe /
da begeret er zu bette / denn es kam in eben hart an /
mit einem starcken frost / vnd that ihm seer wehe.
Also wardt er zu bette gebracht / vnd ass den selbigen
abend nichts / vnd hatte eine seer böse Nachte /
schlieff nichts bis gegen dem tag / da begundte er ein
wenig zu ruhen / Das weret dannoch vast bis umb
fünffe / Da stund er auff / vnd dieweil es der Oster-
tag war / zog er sich an / nam seinen Rock umb / vnd
wolte schlechts ins Collegium gehen / vnd seiner ge-
wonheit nach / das Euangelium aus legen / vnd les-
sen / vnd war doch der gute fromme Mann so matt
vnd schwach / das er kaum auff den Beinen stehen
kunt / Da hatt in Camerarius sehr fleißig / das Er
sich sollte inne halten / aber er wolte sich nicht halten
lassen / sondern saget / er wolte der jugendt nur einen
Sententz erklären.

Es hatte

Es hatte aber einer den Studenten angezeigt/
der Herr würde nicht lesen/da waren sie alle wider
weg gegangen/ Inn des Kompt der Junge Philippus
sein Son/ vnd spricht: Vater es ist niemand im
Collegio. da fehret ihn der Vatter ernstlich an/ vnd
spricht: So hastu sie heissen weg gehen / Als sich
aber der Son entschuldigte/ gabe er sich zu frieden/
vnd saget: Wem sol ich denn lesen/ wenn niemandt
da ist/ vnd leget also den Rock widerumb ab/ Vnd
war gut das die Lectio also verhindert ward/ Denn
er were vns all zu schwach worden.

Es wartet aber ein Pote aus Pommern vor der
thür/ So hatte er auch sonst Brieffe zu Schreyben
in Preussen/ da fieng er an in Preussen zu schreyben/
vnd als er eine weyle geschrieben hette/ schreybe Er
dem Pomerischen Potten auff's wenigste ein Brieff
oder drey/ vnd schicket vilen guten Freunden/ Der
tzog Philippi/ des wir oben gedacht haben/ Leychs
predigt.

Vnter des ward es zeit das man in die Predigt
gehen muste/ da bleib Camerarius bey ihm/ die an-
dern giengen zur Kirchen/ so machte Philippus die
Brieff zu/ vnd fertigt den Boten ab.

Da er nun nach der Predigt zu Tische gieng/
kam in ein reysen im leybe an / Das er wider muste
auff stehen/ kam aber bald wider/ setzet sich vnd ass
ein wenig von einem Birckhan/ welchen im neben
einer Birckhennen vnd etlichen Kephünnern/ der
löbliche vnd fromme Fürst / Joachim von Anhalt
gesandt hatte/ nach dem er erfahren / das er Kranck
were/ Vnd es erzeugten sich auch die benachbarten
vom Adel sehr freundtlich/ Wiewol sie es auch son-
sten stets

sten stets gethan halben / Darnach als er auch ein
wenig gekochte Vngerische Pflaumen / vnnnd tranck
einen Keynischen Benschfusser / den lobet er / vnnnd sa-
get / er schmeckte jm wol. Vnd wiewol er sich frölich
stellet / vnd holdselig mit guten Freunden redet / So
ward er doch seer matt vnd schwach / vñ ward ym-
mer ye lenger ye schwächer.

Da er nun vom Tische auffstunde / gieng er
hinauff inn seine Stuben / leget sich hinn auff seine
Banc / vnnnd ruhet ein weile / stunde darnach auff /
vnnnd schreib wider fort an dem Brieffe / den er inn
Preussen senden wolte / verfertiget ihn aber den selbi-
gen tag nicht die helffte. Als er aber des Schrey-
bens müde wardt / setzet er sich forne auff seinen
Kasten / der bey der Thüre stundt / gedachte des Ehr-
würdigen Herren Doctor Pommers / vnser Pfarr-
herns seligen / vnd sprach : Doctor Pommer / der
gute fromme Mann Seliger / ist vonn keiner andern
Kranckheit / denn vom Alter gestorben / vnnnd sagete
weiter / Es solts ihm keiner wündtschen / das er so
lange leben solte / das er für alter vnnnd schwachheit
den Leuten nichts mehr dienen künde. So batte er
auch der folgenden tage einen / Gott vonn Hertzen
fleissig / (das es ihr viel hörten) wenn er seiner Kir-
chen vnnnd Christlichen jugendt nicht mehr dienen
solt / das er in gnedigklich aus diesem ellenden Leben
wegnehmen wolte / Vnd widerholet diß Gebet her-
nachmals offte / denn er befurchte / er möchte durch
ein langwerendes feber verzeret / vnnnd lange auff ge-
halten werden / das er den Leuthen nichts nütze seyn
künde / wie denn auch andere vil meineten / Gott a-
ber hat sein Gebet gnedigklich erhört.

¶

Den

Den andern tag aber / welcher war der 15 Aprilis /
setzt er sich des morgens wider vber vñ schriebe /
Denn er hatte die nacht zimlich wol geschlaffen /
vñnd lies sich gute Freunde vberreden / das er innen
bleib vñd nicht las / Vñd dieweil den tag das Fieber
wider komen solte / ward die Mittags malzeit deste
ehe zu bereitet / noch kame es in gleichwol vber dem
Tische an / das er also vom Tische ins Bette gefüret
ward. Ehe er aber herab zu tische gieng / sagt er vn-
ter andern / Wenn es Gottes wille were / so wolte ich
gerne sterben / ich begere zu wandern / vñd bey meynem
lieben DERen Christo zu sein / Vñnd fragete
den Herrn Camerarium / ob er auch des Spruchs
in seinem Büchlein vber des heiligen Apostels Pau-
li Episteln gedacht hette / denn es stünd im Griech-
ischen Text ein wörtlein / das were in Lateynischer
sprache nicht recht gegeben / Denn es solte wandern
heissen / oder sich auff den wege rüsten / Der Herr
Camerarius aber saget / Er hette es versehen / vñnd
gerewet in das er nichts dauonn gesagt hette. Er ge-
dachte auch an den wolgelehrten / Gottfürchtigen
vñd fürtrefflichen Mann / den Doctorem Jacobum
Wilichium / das er zu ihm gesaget hette / Es kündte
kommen das einer dis zeitliche leben gerne verlassen
möchte / aber es kündt nimmer mehr fehlen / wenn ey-
ner dem Tode fleissig nach dechte / So müste er sich
etwas dafür entsetzen. Das lies im Philippius seer
wol gefallen / vñd sagete / Es were vil zu wenig / das
man einen inn Todes nöten damit freidig zum ster-
ben machen wolte / das viel ellends vñd jammers auf
dieser Erden were / &c. Es müste was anders sein /
das den menschen zum sterben mutig machte.

Da

Da er nun / wie obgemelt / ins Bette bracht
wardt / lag er bey dreien stunden / one das er vnder
das etlich mal seiner weg auff stunde / Denn so rein-
lich war er / das er ihm kein Gefes reichen lies / Vnd
als er der mal eins wider zum Bette zu gehet / vnd
sich widerumb hinnein legen wil / Da wirdt er so
schwach / das er dem Herren Camerario vnd seys
nem Eiden Doctor Caspar Peucern vnter den henz
den darnider sinckt / da bestrichen vnd rieben sie ihn
bis er sich wider erquicket / vnd legten in widerumb
ins bette / da bleib er ligen bis auff den andern tage /
vnd ist im die nacht sonnderlich schwer gewesen /
denn er hustet viel vnd schlieff wenig. Vnd diss ist
das fünffte mal gewesen / das ihn das feber wieder
an kommen ist / vnd weret lenger / vnd war ihm bes-
schwerlicher denn zuuor / Denn es weret vast biss
auff den abendt vmb sibene / das ist inn die zehende
stundt / In der grossen hitze waren im die schenckel
gar kalt / vnd kund sie doch nicht vnter dem Bette
behalten / darumb das er inwendig im Leibe grosse
hitze fület / Wenn man ihm denn die Schenckel bez-
greiffen wolte / wie gute Freunde pflegen zu thun /
das sie fülen wollen / ob sie heis oder kalt sein / das
mochte er nicht leiden / Vnd wir achten das diss die
ursache gewesen sey / Das er hernach die andern tage
die / so in beüchten / heimgehen lies.

Den tag ward ihm ein hertzsterckung auff die
Brust gemacht / da zeiget er an / Wie inn solchen
hertzsterckungen die Coralln so ein köstlich ding we-
ren / denn er hette es seibs erfaren zu Weinmar / da er
an schwachheit des Hertzens hefftig krank gelegen
were / Denn es hette ihm das mal Doctor Georg

Sturz

Sturz

Sturtz / ein beruffener Artz / eine solche Dertz sterckung von Corallen auff gelegt / da were ihm baldt besser worden / das er geruhet hett / vnnnd im schlaffe were ihm für kommen der Spruch des Propheten / Non moriar sed uiuam &c. Ich werde nicht sterben / Sondern leben / vnd des Herrn Lob verkündigen / darnach were er auch bald widerumb gesund worden / Dierweil sie ihm aber das mal wol bekommen waren / wolte er das mann dis mal auch Corallen drein brauchen solt / welches denn also geschach / vñ er behielt es auch die gantzen zeit volgendts vber.

Den sechtzehenden tag Aprilis / des Morgens frue vmb viere / betet er ernstlich vnd hefftig / Wie es denn sonst seine gewonheit was / das er alle Morgen zuuor sein Gebet that / ehe er ettwas anfienge / Nach dem er aber sein Gebet gesprochen hatte / setzte er sich vber / vnd machte die Schrifft inn Preussen volgentz fertig.

Diesen tage wolte der Herr Camerarius widerumb heim ziehen / das er seine Sachen verrichten / vnnnd zu gelegener zeit wider kommen möchte / abzuwarten / was es mit dem Herren Philippo für einen ausgang gewinnen wolt / vnnnd hoffete yeder man / es würde sich das feber / wenn es zum Sibenden mal wider komen würd / enderen / Vnd versabe sich doch niemandt / das es so baldt ein solch Ende gewinnen solt / dierweil alle sinne in jm noch vnuerucktet / Vnnnd er am Leybe gleich wol noch so starck war / das er vmb gehen kundte / vnd nicht aller dinge lägerhafftig war / Wiewol man die grosse Matzigkeit für augen sahe / So gehet es auch sonst gewönlich

wönlich also / was man nicht gerne hat / das glaubet man desto weniger. Vnd dieweil der Herr Camerarius / wie gemelt / auff sein wolte / vnd der Herr Philippus auch des vorigen tages seines Febers halben nichts gessen hatte / richtet man die Malzeit desto fruer an / das sie mit ein ander Essen solten / Wir waren auch der hoffnung / das der Herr Philippus bey der gesellschaft etwas mehr zu sich nemen würde.

Ehe sie aber hinnunter giengen / setzten sie sich beyde auff die fördern banc / vnd redeten mit einander / vnd stunden andere viel / die ihn zu besuchen pflegten / vmbher / vnd fielen auch vnter andern reden mit ein / von seiner schwachheit / Da spricht Philippus zum Camerario / als ob er in gesegnen wolt / Mi domine Ioachime, wir sindt nun bey viertzig jaren gute Freunde mit einander gewesen / vnd hat einer den andern lieb gehabt / nicht vmb Genieß willen / sondern aus freiem hertzen / vnd sindt beide Schulmeister vnd trewe Gesellen gewesen / ein yeder an seinem ort / vnd hoffe zu Gott / vnser arbeit solle nicht vergeblich gewesen sein / Sondern viel nutz geschaffet haben / ist es Gottes wille / das ich sterbe / so wollen wir vnser Freundschaft im zukünfftigen leben weiter mit ein ander vnuerrückt halten.

Darnach sindt sie beide mit einander zu Tisch gegangen / vnd als sie sich gesetzt hatten / spricht Er zu M. Esromo / des Herrn Camerarij Eiden / dem sein Weib ettwaa vor andert halben jaren / gestorben war / Heute hat mir von ewrem Weibe getreumet / wie ich sie hette sterben sehen / vnd lobete sie / Wie er auch sonst pflegte zu thun / Denn es war eine Tugendtsame

L ij

gentſame vnd Gottfürchtige Matrona, Sonderlich
aber rühmet er ſeer / wie er von jr gehört / das ſie ge-
ſaget hette / Ich weis Gott wirdt mich nicht verlaſ-
ſen / Vñ der rede / ſprach er / Kan ich nicht vergeſſen /
Vnd da auch ſonſt eins mals der ſchedtlichen Lehr
vom Zweinel gedacht ward / Saget er zu M. Eſro-
mo / Also redet erwer liebe Hausfrau Selige nicht /
da ſie ſterben wolte / Vnd widerholet obgemelte re-
de / Darnach redet er vom Gefänge / wie er vor dreie-
en tagen im ſchlaff geſungen hatte / Deſiderio deſide-
raui &c. Vñnd machte ſich frölich düber / Saget /
Wie es ſo ſchön geklungen hette. Er aß aber vnd
tranc wenig / vnd ward ſeer matt / das er auch wis-
der in ſeine Stuben begeret / da leget er ſich zu ruh /
vnd verſuchte ob er ſchlaffen künde / den der ſchlaffe
war dieſe zeit ſeine auffenthaltung.

Darüber ward der Herr Camerarius allſo bez-
wogen / das er den tag nicht reiſen wolte / Bleib da
vnd wartet wo es hinaus wolt / alſo ward der Herr
Philippus entſchlaffen / Deſſen wir wenig erfreuet
waren / Denn er lag rücklings / vnd hette die augen
halb offen / vnd ob er wol ſanfft geſchlaffen / wie er
hernach ſelbs ſagte / ſo ſchein es doch alls ob er halb
todt were / das vns auch die augē darob vbergiengē
vnd hefftig bekümmert waren / ſo heult vnd weinet
das gefinde im hauſe / als ob er ſchon todt were / da
er ſich aber vber ein weil auff die ſeiten want / da ſa-
he er ſein / vnd ſchliff gar ſanffte / wie man mercken
künde. Vnter des gehet der Herr Camerarius / dem
mit wol zu mut war / auch zu ruh. Nach dreien ſtun-
den erwachte Philippus wider / vñnd ſagete / wie er
ſeer ſanfft vñnd wol geſchlaffen hette / Sabe auch
munter

munterer vnd frischer denn er die andern tag gesehen
hatte/so wol war im der schlaff bekommen.

Zu der zeit kompt ein Theologus/der wider
heim inn Denmarck ziehen wolt/vnd gesegnet den
Herren/den hielt er gar Ehrlich/ gab ihm ettliche
Büchlein /die hie aus gangen waren/die solt er der
Königlichen Maiestet bringen/vnd in entschuldig-
gen/das er seiner Königlichen Maiestet nicht ge-
schrieben hette/denn er were zu schwach/wolt aber
in kurtz/so Gott gnade verleihen würde/seiner Ma-
iestet schreiben/der fleissig vnd vnterthenig dancken
für iren gnedigsten willen vnd miltigkeit/Wündt-
schte auch seiner Königlichen Maiestet vñ dē gan-
zen Königreich/glück vnd heil/vnd alle wolfsart.
Den tag kamen auch ettliche Bogen her/von einer
deutschen Schrift/die Staphylus wider Philippum
im druck ans gehen lies. Es kam auch den selbigen
tag ein anders von ettlicher Theologen Ratschlege/
wie man in einem Synodo die jenigen /so bisher nit
scheinbarlich genug verdampt weren/verdammen
künd/was es aber für schriften vñ hendel sein/mag
ein yeder selbs lesen vnd richten/wer lust darzu hat.

Es haben aber diese Schrifften / die ihenigen
so gemeinen Nutzmehr/denn solche scribenten, be-
dencken/nit schmerzen gelesen/Dieweil wol zu se-
hen war/womit man umbgieng. Vnd ist zu be-
jamern/das es so wilde vnd wüste zu vnsern zeiten
zu gehen solle/Denn es bedachten auch guthertzige
Leuthe nicht mit geringen schmerzen / was doch
endtlich daraus werden wolt/vnd gienge inen nun
mehr sehr zu hertzen/dieweil sie des theurn Man-
nes schwachheit für augen sahen/Wie es denn nicht
fehlet

fehlet / Es mus einem verstandigen Mann vber sol-
chen sachen / allerley einfallen / Aber dauon auff dis
mal genug.

Das wir aber wider des Herren gedenden /
bekam im der schlaff so wol / das er die Brieffe vol-
gents verfertiget / vnd im hause vnd seiner Stuben
hin vnd wider gieng / lustiger vnd frischer war / den
er die gantze zeit vber inn seiner Kranckheit gewesen
war / Auch erzeiget er sich im Abentmal frölicher /
denn yemand gemeinet hette / Vnd lies sich also an-
sehen / Das wir alle widerumb gute hoffnung ge-
wunnen / es solte besser werden / Vnd waren fro /
das der Herr Camerarius bey im bliben war / hiel-
ten auch dafür / das Philippus auch seinet halben
ettwas frölicher war. Vnd ward am Tische vnder
andern der Leute gedacht / Die bissher nichts denn
zwoyspalt in der Kirchen angerichtet hetten / Vnd
noch auff diese stunde damit vmb giengen / das
sich wol etwas ergers zuuernutzen / Darüber ward
er etwas bewegt / vnd sagt: Es sein Schelmen / vnd
bleiben schelmen / vnd Gott wirdts offenbar mach-
en das sie schelmen sein / Da er doch sonst die gantze
Malzeit vber nichts hefftiges oder trauriges geredt
hat / sondern war so von schönen lieblichen Reden /
das er lenger nach Tisch sas / denn er zu thun pflegt
wenn er gesundt war / Vnd leget sich den selbigen
abendt erst vmb achte / Vnd dis ist auch die letzte
Malzeit gewesen / die er inn der vntern stuben gessen
hat / denn hernach ist er stets in seiner studier stuben
gebliben / Wie wir hernach sagen werden / hat aber
die selbige Nacht wol geschlaffen / Vnd ist ihm im
schla. f.

sch laß dieser Spruch Pauli vorkommen/ So Gott
mit vns ist/wer will wider vns sein?

Den andern tag zu frühe/welcher war der Sie-
bentzehend Aprilis/macht er die Brieff in Preussen
zu/schreib auff etliche büchlin/vnd schickt sie guten
Freunden/Schickte auch ettliche dem Dertzogen/
Als er aber nun etwas müde wardt/Denn es solte
vmb die zeit das Feber wider komen/legt er sich wi-
der ins Bette/Da kam der Herr Camerarius/vnd
gesegnet ihn/Da antwortet Philippus/vnd saget/
Der Sohn Gottes/der da sitzet zur Rechten seines
Himlischen Vaters/vnd den menschen gaben gibt
der enthalt euch vnd die ewern/vñ vns alle mit ein-
ander/vnd wolt mir auch ewer liebe Hausfrawen
fleißig grüssen. Also gesegneten sich auff dis mal
dise beide aufferwelten freunde aneinander zum letza-
ten mal/Vnnd hat hinfort einer den andern nicht
mehr gesehen/vnd dorffte sich der gute frome Man
Camerarius nicht erwegen/das er in hernach Todt
gesehen hette/so gar seer gieng im des freundes Ab-
gang zu hertzen.

Darnach lies im Camerarius sein Pferd bring-
en/setzt sich für des Herren Philippi thür auff/vñ
reit den selben tag noch gen Leiptzig/der meinung
das er seine sachen daheim beschicken/vnnd wieder
kommen wolt/abzuwarten/was es für ein ende mit
dem Herren Philippo gewinnen wolte.

Es hat auch Fürst Joachim vonn Anhalt/sei-
nem gnedigen willen nach/den sein Fürstliche gna-
de gegen dem Herren Philippo truge/seiner ver-
traweten Diener einen her geschickt/Ihn inn seiner
Kranckheit zu besuchen/das er seiner Genaden wie-
derumb

§

derumb

derumb kund anzeigen/wie es vmb ihn stundt/der
wolte auch auff sein / Da redet Philippus sehr
freundlich mit im/vnd zeiget im an seinen vnterbes
nigen willen/gegen seinem gnedigen Herren / seg
net im/vnd wünschet ihm alles guts/darzu er denn
so sehnliche wort brauchete/das sich niemandt des
weinens enthalten kunde.

Bald darnach bekam er Brieff aus Schweitz
wie der Babst zu Rom ein Concilium haben wolte/
da sagete er/Es ist mir viel besser ich Sterbe/ Denn
das ich auff's Concilium ziehen solte / Denn was da
für ein schendlich gebeis sein würde/ auch auff uns
serem theil/das hette ein yeder zu erachten. Nicht
lange hernach/da es vmb achte war/ kame das Jes
ber/vnd diß war das sechste mal/ Da stundt einer
nahe bey im für dem bette/ zu dem sprach er : Ich
habe heint die nacht von der Merrißchen disputation
gedacht/das ettliche fürgeben wollen/Christus ha
be sich für dem Tode nicht gefürcht / Aber er hat
besser verstanden was sterben sey / denn vnser keiner
thut oder thun kan / Darumb hat er sich one zweys
uel mehr dafür gefürchtet/ denn wir vnns fürch
ten. Es ist auch diß seine letzte Frage gewesen inn
Ethicis, die er fürbracht hat/Wie des Wren Chris
ti wille stimme mit dem willen seines Himlischen
Vatters/inn dem da er sich für dem tode fürchtet/
hats aber auff das mal nicht erkleret / Ist aber sons
ten in den andern seinen schriften genugsam erkles
ret. Er jaget auch ein mal da Joachimus Came
rarius noch hie ware / das er ein weil der meinung
gewesen were / das die Adern allein wehe fületen/
wen sie von einer gewalt verletzet oder zerrissen wür
den/

den/ Aber er fand es bey sich selbst/ das sich auch an
derswo her schmerzen liden/ vnd sagete nun etwas
dauon / wie die Natur nicht zu breche one schmerz-
zen/ das man mercket/ wie er denen dingen lange
musste nach gedacht haben.

Darnach gedacht er wider an die verstorbene
des Herren Camerarij tochter/ vnd sagete zu M. Es
somo jrem Manne/ Wie war ewer liebe Hausfrau
selige so ein fein jung Weib/ vnd hatte einen zimlis-
chen starcken leibe/ noch gieng sie leichtlich dahin/
sie hatte vast eine krankheit wie ich/ Denn sie hatte
wehe inn der linken seiten/ das habe ich auch/ aber
die grosse schwachheit meines Leibes hat andere ur-
sache/ die ich nicht weis / Vnd kurtz zuvor da Er
sich ins bette legte/ sprach er : Wenn das nicht der
todt ist/ so ist es ja eine harte staupen. Nicht weit
von seinem bette hieng eine grosse Landtaffel an der
wand/ die sahe er fleissig an/ darnach wande er sich
herumb/ lechelte/ vnd sprach: Virdungus hat mir
eins mals Propheceit aus der Sterngucker Kunst /
Ich werde Schiffbruch leiden auff der See / yetzt
bin ich nicht weit darnon/ meinet aber die gemalete
See an der Landtaffel.

Da nun die hitze im feber kame/ kündte er die
Schenckel abermal nicht vnder der decken liden/
dieweil jr aber viel vmb ihn stunden/ vnd er vbel zu
frieden war/ das man jm die Schenckel blos sehen
solt/ saget er mit bewegung / Was stehet ihr hie/
kündt jr nicht heim gehen/ vnd das schrecket jr viel
ab/ das den selbigen tage ihr deste weniger bey ihm
waren.

Vmb zwey horte das feber auff/ das es also
S ij dijs

Diss mal kurtzer vnnnd linder war / denn ander mal /
da stundt er auff vnd ass / Kunde aber nichts bey sich
behalten / Darnach legte er sich wider nider / vnnnd
schlieff biss vmb funffte / lies sich darnach inn seine
Kammer furen / da lag er die nacht vber / schlieff aber
nicht viel / vnd hatte eine schwere nacht / das mann
sich also für dem sibenden paroxismo sehr besorget /
er würde die vbrigen kreffte volgends wegt nemen /
wie denn geschehen ist. Es sagt auch Er Philippus
selbs / Das end were nicht weit / Betet vnnnd sprach:
DIX machs zum ende / Vnnnd sagte / Erasmus
hette inn seiner grossen Kranckheit / diese wort auch
gebrauchet. Er meinet aber / Er würde mit dem ne-
wen Mond dahin ziehen / Aber er kunde es vmb vie-
ler vrsach willen so lange nicht treiben.

Den 18. tag Aprilis / stundt er des morgens frú
vmb viere auff / lies sich hinunter in seine studier stu-
ben furen / Vñ nach dem er sonst noch stets bey gut-
ter vernunft war / Allein das des leibes schwachheit
für vnd für zu nam / hies er das faulbettlin / welches
ihm vngetlich war / hinnaus thun / vnd das Reyses
bettlin auff schlafen / Da man in nun hinein brach-
te / saget er: Das heist ein Reisebettlin / wie wenn ich
drinnen reisen müste. Als aber die Medici aus vielen
anzeigungen sahen / das er nicht würde wider auff-
komen / so fület er sich auch / vnd sagte / Er were wol
zu frieden wenn Gott wolt / Vnd da vnser Pfarherr
vngefehrlich vmb acht schlege / mit etlichen andern
also vor im stehet / sagte er viel darvon / Wie er seinen
willen inn Gottes willen ergeben hette / dem er auch
leben vnd sterben heimgestelt / wie er es nun machen
würde / so were er hertzlich wol zu frieden / vnd sagt /
Ich

Ich füle durch Gottes Gnade gar keine anfechtung/ So bekümmerte er sich auch vmb die seinen nichts sonderlichs/ Vnd wiewol mir meiner Töchter Kinder/ die mir doch hertzlich lieb sindt/ vor den augen vmbgehen/ So tröste ich mich doch dessen/ das sie Gottfürchtige vnnnd fromme Eltern haben/ die mir auch lieb sein/ die werden sie ihnen wol lassen befolhen sein/ vnnnd fleissig auffziehen/ Wie ich bisher gethan habe/ vnnnd Gott wirdt auch Gnade darzu verleihen. Aber der gemeine schaden gehet mir zu hertzen/ vnnnd bekümmert mich seer/ das die verkerete vnd Sophistische Welt/ solchen mutwillen treibet/ Vnnnd die Heiligen Christlichen Kirchen so schendlich verunruigt/ Nun sie machens gleich wie sie wollen/ so ist dennoch durch Gottes genade vnser Lere richtig vnd kla.. Darnach sprach er zu etlichen/ die für im stunden/ Ir seid junge leut/ vnd habt durch Gottes Genade geschicklichkeit genug/ allein sehet zu/ das jrs recht brauchet/ Der Allmechtige Gott erhalte euch/ vnd gebe euch stercke vnd weisheit/ das ihr ihm vnnnd seiner Kirchen nützlich dienen müget.

Den selbigen tag siehet er Doctor Caspar Peuzers eltestes töchterlein vor dem bette für vber gehen/ das rufft er zu sich/ vnd sagt/ Liebe tochter ich habe dich hertzlich lieb gehabt/ siehe vnnnd halt deine Eltern vor augen/ vnnnd sey ihnen gehorsam/ vnd fürchte Gott/ der wird dich nicht verlassen/ Der almechtige Gott behüte dich/ vnd gebe dir seinen Segen/ Amen. Auch redet er mit den andern Knaben die kleiner waren/ seer freundlich/ hies sie fromb sein/ fleissig beten vnd dergleichen.

§ iij

Vnd

Vnd zu seiner Tochter sagte er/ Liebe Tochter/
Gott hat dir einen frommen Mann beschert/ den halt
lieb vnd werd/ vnd sey ihm gehorsam/ vnd ziehet
ewre Kindelein auff in der fürcht Gottes/ So wirdt
Gott bey euch sein/ vnd wirdt euch nicht verlassen/
Vnd waren in summa eitel solche sehnliche Reden/
als eines der sich fület/ vnd die seinen gesegnet.

Da ward den tag noch an den Herren Came-
rarium geschrieben/ das er wider zu vns eilen solte/
so er anders den Herren Philippum lebendig sehen
wolte/ Aber der Botte hat die brieffe erst den dritten
tag hernach vberantwortet/ vnd seiner zusage vor-
gessen/ Vnd ob er sie gleich zu rechter zeit vberant-
wort hette/ so hett er doch schwerlich vor seinem end
widerumb hieher kommen können.

Das wir aber alles ordentlich nach einander
erzelen/ So lies er ihm kurtz hernach/ das war bald
vmb achte/ Essen zu richten/ Da ass er von der brüe
vnd etlichen schnitlin von den Limonien. Darnach
vmb Neune/ fragte er seinen Eiden Doctor Caspar
als ein Medicum, was er für hoffnung hette/ Vnd
bat in/ er wolt ihm nichts verhalten/ Da saget Dos-
ctor Caspar/ Gott ist ewer Leben/ vnd die lenge der
tage ewers Lebens/ Dieweil ich aber ye die warheyt
sagen sol/ So viel ich aus Natürlichen vrsachen se-
hen kan/ So ist fürwar wenig hoffnung/ denn ihr
seid seer schwach/ vnd nimpt die schwachheit alle
augenblick mehr vnd mehr zu/ Daranff saget Er/
Ja es ist war/ ich füle meine schwachheit/ vnd verste-
he es auch selbs wol/ Ich habß meinem lieben Got
befolhen/ den bitte ich das ers gnedig mit mir ma-
chen wölle.

Nicht.

Nicht lang hernach befahl er / man sollte umb
suchen nach dem Testament / das er angefangen
hatte zu machen / Vnd hat es also gestellet / Das er
vorne her eine kurtze erklerung aller Artickel seiner le-
re vnd Glaubens gethan / dieselbigen seinen Nach-
kommen zu bezeugen / Wie denn one zweuel die al-
ten vnd heiligen Vätter ihre Testament fürnemlich
dazu werden gebraucht haben / Das sie dardurch
erstlich die Geistlichen Güter / darnach auch die
weltlichen Güter iren Kindern mit getheilt haben /
Vnd er hätte es herrlich vnd schön angefangen /
wie es denn ihr viel gesehen haben / War aber noch
nicht weit kommen / vnd man sucht an allen orten
mit allem fleis darnach / Es ward aber nicht gefun-
den / das man dafür helt / Es hats ihm ettwann
ein fürwitziger loser tropff ausgefüret / Wie im denn
solches mit andern Schrifften vil mehr mit gespielt
worden ist von vielen. Da mans nun nicht finden
kündte / erzelet er Doctor Casparn seinem Eiden vor
alles wie ers machen wolte / Redet auch viel mit
ihme von gemeines nutzes sachen / Setzet sich dar-
nach umb zwey zu seinem schreibtschlein / vnd fieng
an / ein newes zu schreiben. Nach dem er es aber
schwacheit halben nicht so herrlich machen künde /
wie er es wol in dem vorigen angefangen hatte / So
hat er doch vornen her zum eingang / sein kurtz Be-
kenntnis gesetzt / vnd darnach erst vnder seine Kinder
das geringe das er gehabt / zu theilen angefangen /
aber nicht volbracht.

Dieweil denn seiner Lehr vnd Glaubens kurtz
bekentnis inn dem eingange dieses Testaments vor-
fasset / Ist für gut angesehen worden / das man es
von

von wort zu wort hierein setzen solt/ vnnnd lautet von
wort zu wort also:

Anno 1560. den 18. tag Aprilis/habe ich disß
Testament geschrieben in meiner Kranckheit/kürtz-
lich von denen geringen Gütern /die mir GOTT bes-
cheret hat/ Das bekentnis meines Glaubens vnd
der dancksagung zu Gott/ vnnnd vnserm VErkren
Ihesu Christo / habe ich zuuor zwey mal geschrie-
ben gehabt/Aber es ist mir verrückt worden / So
sol aber gleichwol die antwort auff die Beyerischen
Artickel mein Bekendtnis sein/wider die Papisten/
Widerteußler/Flacianer, vnnnd ires gleichens. Dar-
nach volget/wie er seine Güter vnter die Erben teyl-
let/das gehört hieher nicht / Wiewol er auch das
selbige nicht gar volbracht hat/dess er ward zu matt
darüber/vnd lies es also den abendt bleiben / Der
meinung/ das ers den andern tage volgendts aus-
machen wolte/Aber es kunde auch nicht geschehē/
Wie wir hernach hören werden. Es ist aber die
Schriftt also geschrieben/ das gantz vnnnd gar keine
Schwacheit daran zu spüren ist / Denn er auch bey
rechter gesundtheit selten so ein gute Schriftt gemas-
chet hat/wie diese ist.

Auch bleib sinn vnd vernunft in jm gantz vnd
vnuerrückt biss auff den letzten Athem/vnd wie Er
sein gantzes leben vber keine hinnderung oder be-
schwerung daran gehabt/ Also behielt er auch sey-
ne vernunft gantz biss an sein End/ Vnd ob er wol
sonst auch einen zimlichen gesunden Leibe gehabt
hat/so ward doch das Deupt vor allen andern gli-
dern sonderlich gesundt vnnnd starck/Daher er auch
solche grosse arbeit so viel Jhar her gethan/ die ihm
sonst

sonst zu ertragen vnnmöglich gewesen weren. Er sag-
get auch zu seiner Tochter / das er noch gantz keine
beschwerung im heupt fület / darumb meineten etts-
liche / es würde in das sterben schwerer ankommen.

Auch redet er damals mit seinem Eiden / Von
der Vniuersitet sachen / was mann lesen vnnnd lehren
müste nach seinem Todte / vnnnd wen man an seine
stadt nemen solte / den er am liebsten wissen wolte /
vnd von andern dingen mehr / dauon vns hie zu sa-
gen nicht gebüret.

Da es hin kam vmb drey / begeret er wider inn
sein Kammern / denn er wolt die gantze Kranckheit
vber / des nachts aus seiner Kammern nicht bleiben /
da er doch vber 16 stufen hinnauff zu steigen hatte /
dz er also seiner auch hierinn nicht schonet / vnd lies
sich das steigen nicht verdriessen. Als er nun dahin
gebracht ward / schliesst er sein sanfft ein / vnd werete
der schlaff bis vast hinan vmb sechs / Vnter dessen
Kamen im brieffe vom Marck von Franckfurt / dar-
innen wurde ihm von guten Freunden geschriben /
Wie man mit den Frommen vnnnd Gottfürchtigen
leuten inn Franckreich / so grausam vmb gieng / Da
sagt er / Nun bin ich schwach / vnd mir ist nit wol /
doch thut mir all mein Kranckheit nit so wehe / alls
der gros jammer vnd das elend / der heiligen Christ-
lichen Kirchen / Welches aus vnnötiger trennung
bosheit vñ mutwillen dern / die sich aus vnmensch-
lichen neid vnnnd has / wider vns one billich vrsache
abgesondert haben entsethet / vnnnd können die Vn-
sinnigen leute nicht ruhen / müssen noch Prac. iciren
vnd vrsache geben / das des ellends vnnnd jammers
nur mehr wird / denn sie schonen niemandts.

¶

Aber

Aber Gott wirdt den grossen mutwillen straffen / das werdt jr erfahren / vnd wir werden mit gestrafft werden / doch wird vnser straffe eine Vattersliche straffe sein. Aber ihene werden etwas barters leiden müssen / Mich jamert vnd erbarmet nur des armen Volckes / das es so jemmerlich soll verführhet werden / Klagte also lang vber diesen Vnrath / das er gantz betrübet drüber wardt / Mann las ihm aber darnach auch andere Brieffe / die nicht so trawrig waren / vnd beslüssen sich die vor ihm stunden / das sie ihn mit andern gesprech von den trawrigen gedancken abfüreten / welches dann etwas bey im geschafft hat.

Denn er redte hernach viel lieblicher reden von etlichen guten Freunden vnd bekanden / vnd mengte auch bisweilen schertzrede mit ein / vnd stellet sich so frölich / das wir wider hoffnung gewonnen / Es solte besser mit im werden. Vnd dieweil wir sahen / das er vber den reden sich frölich machte / blieben wir desto lenger bey ihm / das es sich verzog bis vast hinnan vmb achte. Da er sich nun zur Ruhe geben wolte / nam er vor etliche eingemachte Kirschchen zu sich / vnd thet ein truncklein Weins drauff / auff das er ein wenig besser schlaffen möchte / Vnd diss ist sein letzter trunck gewesen / hat aber die nacht vber wenig geschlaffen / Also sindt wir nun komen bis auff den 19 tag Aprilis / welches sein letzter Tag in diesem leben gewesen ist.

Vnd wiewol wir diesen tage / so voller betrübnis vnd leids gewesen sein / das wir alles so ordentlich nicht wissen / so haben wir vns doch vnter einander vnterredet / vnd hat einer den andern erinnert dauon

Da von wir warhafftigen bericht thun wollen / wie
denn bisher auch geschehen. Vnd nach dem er die
nacht vber / (wie gehöret) wenig geschlaffen hatte /
richte er sich des Morgens vmb zwey im Bette auff /
da gieng der Medicus zu ihm / dem sagt er / wie es im
die nacht gangen were / vnd wie er wenig geschlaffe
fen hette / vnd offi erwacht were / vnd were im abers
mal der Spruch Pauli im schlaff vorkommen / So
Gott mit vns ist / wer wil wider vns sein? Dab dar
nach an vnd klaget widerumb vber der Kirchenn
Ellendt vnd jamer / vnd zeiget an / das es ihm seer
zu hertzen gieng / tröstet sich aber des / das mit Got
tes gnaden vñere Lehre sein deutlich gefasset were /
daraus die nachkommen rechten verstand von allen
Artickeln nemen künden / betet vñ seuffzet ernstli. h
für die gantzen Christlichen Kirchen / vnd redet mit
seinem Eiden bis vmb drey / darnach lies er sich his
manter in seine studir stuben faren / da das Keisebets
lin stunde / da gieng er ein weil hin vnd wider / vnd
legte sich darnach ins Bettlin / vnd redte vonn
manch rley dingen / wie es die gelegenheit gab / bis
er entschlieff / schraubete sanfft / vnd ruhet bis hin
vmb je hje / vnd da er erwachet / bitt er Doctor Cas
sparr seinen Eiden / das er im die haar versckneiden
selt / das geschah / denn er pflegete im sie sonst auch
zuerschneiden.

Als nun das geschehen war / fordert Er auch
weisse hembde / vnd zog ihr drey vber einander an /
denn das hatte er viel Jar im brauch gehabt / vnd
sagt es thete ihm wol / sonderlich im Alter / denn es
hielt im den Leib warm / hies im auch andere Leide
schlaffhauben langen / Wie er sie auch des tages 3 12

tragen pflegt/wenn er daheimen war/vnd saget/er
hette es von dem berhumbten man Doctor Johan
Keuchlin gelernet / Also lies er sich zuuor schmuck
en/nach dem er vermercket das er wandern würde/
Nicht lange hernach kompt der Pfarrherr zu Torg
aw vnd sein Caplan Magister Fischer/sampt dem
Herrn Doctor Kentman/Medico zu Torgaw/Die
hieher komen waren den Herren Philippum zu bes
suchen/mit denen redt er mancherley/vast bey einer
halben stunde/vnd saget vnter andern/das er seiner
Person halben/durch Gottes gnade gantz vnd gar
keine beschwerung oder kummernus fülete/ Es bez
kummert in aber die gemeine Not der Kirchen/von
wegen der Nachkommen/dieweil er sahe das man
so mutwillig vnnütz gezend anrichtet/die Kirchen
zurisse/vnnd die Warheit rechter reiner Lehre so mit
gewalt verdunckelt. Aber er hette widerumb den
trost/das er wuste / das ware vnnd rechtschaffene
Lere in vnsern Kirchen durch Gottes gnade richtig
vnnd wol erkleret were/vnnd saget weiter/ So ich
sterbe/so entgehe ich dem künfftigen vnglück/vnnd
werde aus dem vnglückseligem Sophistischen vnd
wunderbarlichem jar der Natur weg gerissen. Dub
an/vnnd betet mit weinender stimme/ vnd befehlt
in seinem Gebet die Heiligen Christlichen Kirchen
dem Son Gottes/vnserm L&Ren vnd Heiland
Ihesu Christo.

Darnach da sie weg gehen wolten/ bate er sie
das sie auff den Wittage zur Malzeit komen solt
ten/ob er vilicht neben ihnen lust gewinnen möcht
te/einen bissen zu essen/also sagten sie im zu/sie wolt
ten sich einstellen/ Aber es kriegt einer vnter ihnen
schreiben/

Schreiben / das ihm eine Tochter krank worden were / Da kamen sie bald wider / vnnnd namen iren abschiedt von Philippo / vnd gesegneten ihn / vnd er sie wider / vnd befahle dem Pfarherr / das er fleissig für die Kirch vnd Schul bitten wolt / vnd sagt weiter / Wiewol ich weis das irs thut / der Almechtig Gott sey mit euch / vnnnd dis geschache nach sibem Schleggen / da er bereit widerumb inn grosser mattigkeit lage. Es waren auch dazumal zu im kommen / der Pfarherr vnd etlich Diaconi vnd Professores / sampt vielen andern / Da es hin vmb achte kam / vnd das Feber wider komen solt / da fielen plötzlich alle krefften dahin / vnd fiel vns auch inn ein onmacht / Das wir mit ime zu schaffen hatten / biss wir in wider erquickten / da lag er ein weil vnnnd ruhet / nicht lange hernach / da er wider aufferwachtet / hub er an vnd betet sein gewöhnlich Gebet / wiewol mit schwacher stim / doch also / das yederman alle wort wol hören vnd vernemen kondte.

Damit aber meniglich kund werde / was des frommen vnd heiligen Mans stets Gebet gewesen sey / das er auch kurtz vor seinem ende mit ausdrücklichen vnnnd vernemlichen Worten widerholet vnnnd gebetet hat / Wollen wir es von wort zu wort hieher setzen / vnd lautet also:

GAlmechtiger / Ewiger / lebendiger vnnnd wahrhaftiger Gott / Schöpffer Himels vnnnd Erden / vnd der menschen / sampt deinem gleich Ewigen lieben Sou vnserm HERRN Ihesu Christo / der für vns gecreuziget / vnd vom Todt widerumb aufferwecket ist / vnnnd deinem lebendigen kenschen

G ij

vnnnd

Vnd warhafftigen heiligen Geist / Tu weiser / güt-
tig / warhafftiger / gnediger vnd gerechter Gott /
du freywilliger / Keuscher / vnd getrewer Heiland /
von dem Leben vnd Gesetze gegeben wird / du hast
gesagt / Ich wil nicht des Sünders Todt / sondern
das er sich bekere vnd lebe. Item / Kuffe mich an /
zur zeit der noth / so wil ich dich erretten / Dir be-
kenn ich mich für ein armen Sünder / der mit vilen
sünden beladen ist / denn ich habe manigfeltig wie-
der dein heilige Gebot gethan / vnd ist mir von herz-
tzen leid / das ich dich erzürnet habe / vnd bitte dich
das du dich vmb deines lieben Sons / vnsern lieben
WERN vnd Heilands Ihesu Christi willen / der
für vns am Creutze gehengt / vnd von den Todten
wider aufferweckt worden ist / vber mich erbarmen
wöllest / vnd wolst mir meine sünde vergeben / vnd
mich gerecht machen / durch vnd vmb des Herren
Ihesu Christi willen / deines Sons / der dein ewig
Wort vnd Ebenbild ist / den du hast für vnns zum
Opffer / Mittler / Erlöser / Heilandt vnd Selig-
macher geben wollen / aus wunderlichem vnd vns
ausprechlichem Rath vnd vnersforschlicher weis-
heit vnd gütigkeit. Vnd wöllest mich auch mit dei-
nem heiligen lebendigen / Keuschen vnd warhaffti-
gen Geist heiligen / Das ich dich allmechtigen wa-
ren Gott / Schöpffer Himmels vnd Erden / vnd der
Menschen / ewigen Vatter vnsern WERN Ihesu
Christi / vnd Ihesum Christum deinen lieben Son
den ewigs wort vnd Ebenbild / vnd deinen Heili-
gen Geist / den warhafftigen / Keuschen / vnd leben-
digen Tröster warhafftiglich erkennen / vnd fest an
dich glauben / Dir gehorchen / Dir dancken / Di h
re. 9t

recht fürchten vnd recht anruffen / vnd dein gnedig
angesicht mit freude in ewigkeit anschawen / vñ dir
ewiglich dienen müge / Auff dich **DEIN** hoffe
ich / Du wirst mich inn Ewigkeit nimmer mehr zu
schanden werden lassen / Erlöse mich durch deine
Gerechtigkeit. Bekere mich **DEIN** zur Gerechtig-
keit vnd Ewigen leben / Du hast mich erlöst / du
warhafftiger vnd getrewer Got. Schüt vnd regiere
auch gnediglich vnser Kirchen vnd Regiment / vñ
auch diese Schule / Gib jnen seligen Frid vnd Seli-
ge regierung / Regiere vnd schütz vnser Fürsten vnd
Obigkeit / samle vnd erhalte dir ein ewige Christli-
che Kirchen in diesen landen / Heilige vnd vereini-
ge sie mit deinem heiligen Geist / das sie eines in dir
seien / mit warhafftiger erkentnis vñ anruffung /
deines lieben Sons vnser **DEIN** Ihesu Chri-
sti / durch vñ vmb deines Ewigen Sones vnser
DEIN Ihesu Christi willen / der für vñs ans
Creutz gehefft vnd von den Todten widerumb auff
erwecket worden ist.

Almechtiger / Ewiger Sohn Gottes / du ges-
trewer **DEIN** vñ Deiland Ihesu Chriсте / Der
du bist das ewige Wort vnd Ebenbildt des ewigen
Vatters / vnser Wittler vnd Deiland / der du für vñs
gestorben vñ wider auffstanden bist / Ich dancke
dir von gantzen hertzen / das du Menschliche Na-
tur an dich genommen hast / vnd mir zu einem Erlö-
ser verordnet bist / das du im Fleische gelitten / vñ
vom Todt wider auffstanden bist / Vnd mich ver-
tritest. Ich bitte dich nimb dich meiner an / vnd er-
barne dich vber mich / Denn ich bin einjam vñ
arm / mehre in mir durch deinen heiligen Geist das
Gedicht

Liecht des Glaubens / vñnd trage mich inn meiner
schwachheit / regier / behüt vñnd heylige mich / auff
dich trawe ich / **W**irdt las mich nimmer mer zu
schanden werden.

Almächtiger heiliger Geist / warhafftiger /
keuscher vñnd lebendiger Tröster / Erleuchte mich /
regiere mich / heilige mich / stercke den Glauben inn
meiner Seel / vñnd inn meinem hertzen / vñnd gib mir
warhafftigen trost / erhalt vñnd regiere mich / das ich
in dem haus des **W**irdt wonen möge / die Tage
meines lebens / Auff das ich des **W**irden lust sehe /
vñnd in ewigkeit ein heiliger Tempel Gottes sey vñnd
bleibe / vñnd Gott für vñnd für mit frölichem hertzen
dancke / vñnd inn der Ewigen Himlischen Kirchen
vñnd versamlung lobe vñnd preyse.

Ser nun also sein Gebet gethan hatte / wardt
er ein weil still / als schlummert oder ruhet Er /
Darnach wurff er die augen auff / sahe seinen
Liden an / vñnd sprach : Ich bin im Todte gewesen /
Aber Gott hat mich genediglich heraus gerissen /
vñnd ob wir wol meineten / Er redte solches von sey-
ner onmacht / dauon wir neulich gesagt / ydoch weil
ers zum andern vñnd dritten mal widerholet / kundten
wir nit anders dencken / denn das er etwan müste ei-
nen Kampff erstanden haben / Da er es aber so offte
widerholet / spricht Magister Johannes Sturio zu
ihme / Es ist nichts verdamlchs an denen / die inn
Christo Ihesu sindt. Darauff saget Philippus
bald / Christus ist vns gemacht vonn Gott zur weis-
heit vñnd zur Gerechtigkeit / vñnd zur heiligung / vñnd zur
Erlösung / auff das (wie geschr. eben stehet) Wer
sich

sich rühmet / der thüme sich des Herrn / vnd wider-
holt die se wort: Ach DERR Leibarm dich mein /
seer offt.

Es blieb aber der Puls aussen / vnd wurden
ihm hende vnd füsse kalt / der Athem kurtz / vnd
die augen / der schlaff / vnd die gruben im hals fies-
len ihm ein / vnd siele die Krefften mit gewalt hinc-
weg / das man wol sehen kunde / das ers nicht lang
mehr treiben würde. Jedoch damit nichts vnter-
lassen würde / was Menschen thun können / wurde
er gefragt / Ob er ein Süplin essen wolt / Vnd als er
drein williget / wurde im ein bier süplin von Dams-
berger bier gereicht / darvon name er etwan drey löf-
fel vol zu sich / vnd saget / Ey wie ist das so ein gute
Suppen / das ist auch sein letztes Essen gewesen / so
wolt er auch nichts mehr trincken / Als er sich nun
ein wenig erquicket hatte / bat er / das man ihm auff-
helffen solt / forderte Pappier / vnd wolte sein Testa-
ments volgens aus machen / Da er aber selbs fült /
das er zu schwach vnd zu matt zum schreiben ware /
Sprach er : Ach Gott das ich so vberreilet werde /
legte die hend für sich nider / vnd sas ein kleine weil /
darnach legte er sich wider nider / So wurde auch
des schreibens sonst von niemands mehr gedacht /
denn er hatte sich den tag zuvor genugsam mündts-
lich erkleret / was sein letzter wille were / So kunde
man auch aus dem / das albereit geschrieben war /
genugsam verstehen / was sein meinung noch von
dem hinderstelligem sein müste / Dis geschah bald
nach 3 h. n. ich. egen / vnd lag also da / vnd hatte die
schenckel vnten bis vast ans knie blos / vnd warn im
seer kalt / noch kunde er nie nicht vnter der decke ley-
den /

Den/daran mann spüren kundte/das er noch grosse
hitz inwendig fällen müste / So kundte er sich auch
noch one hülf im Bet hin vnd wider werffen/vnd
von einer seitten zu der andern keren,

Da es nu hin vmb eins kam/ gieng er im wider
ein omnacht zu/ als man in aber rieb vnd bestriche/
da kam er wider/vnd sagt/Ach was macht jr/vnd
lag also fürsich weg/all ruhete er / Da sahe es der
Pfarherr für gut an/das man im aus dem alten vñ
newen Testament bisweilen etwas für dem Bette
lesen solte/was er meinet / das er am liebsten hören
möchte.

Lasen derhalben eiler vmb den andern / Der
Pfarherr vnd die Diaconi Magister Fröschel /
vnd Magister Sturio etliche Psalmen / Als den 24.
25. vnd 26. Item/ das 53. Capitel Esaie / das 14.
15. 16. vnd 17. Capitel Johannis / das 5. Capitel
zum Römern/vnd etliche andere Capitel vñ Spruch
mehr/ aus dem heiligen Apostel Paulo/vnd den
Propheten/ Da wir nun die gelesen hatten/ vnd alle
still waren/spricht er: Ich habe stets vor mir den
Spruch Johannis von dem Son Gottes meinem
WERN Ihesu Christo: Die Welt nam in nicht
auff/wie viel ihr ihn aber auff namen / denen hat er
macht geben/Gottes Kinder zu werden/alle die an
seinen Namen gleben/ Vnd dieses redet er laut/
vnd vernemlich/ darnach redet oder betet er bey sich
selbs bey einer viertel stundte / Kundens aber nicht
vernemen/allein das wir in sahen die lippen regen.
Vnd dieweil es dann diese gelegenheit vmb in hat-
te / wolten die Professores/ so nach mittage zu lesen
hatten/nicht von im gehen/getraweten ihnen auch
für

für trawigkeit vnnnd kummernis ire Lectiones auff
dis mal nicht zu halten/ Sondern schriben in eil ein
zettel/ darinn sie ursache ires aussenbleibens anzeiges
ten/ vnnnd die Studiosos zum Gebet vermaneten/ vn-
geferlich des Inhalts.

Ir verstehet selbs lieben Studenten/ Inn was
bekummernis/ furcht/ vnnnd betrubnis wir yetzt alle
stecken/ Von wegen der grossen schwachheit / des
Ehruirdigen vnsern lieben Vatters vnnnd Praecep-
tors, Derren Philippi Melanthonis/ Vnnnd vnns
zweinet auch nicht / Es werde einem yeden vnter
euch/ dise vnser bekummernis selbs auch zu hertzen
gehen. So wöllet nun gedult mit vns haben / Das
wir heute nicht lesen/ Wir haben euch aber das wöl-
len anzeigen/ das des Derren schwachheit so vber-
hand genommen hat/ das/ wo Gott nit sonderlich
durch seine Allmechtige krafft/ der Natur helffen/
vnd sie erhalten wird/ So wird es vnser lieber Herz
vnd Praeceptor nicht lang mehr kōnen treiben. Wir
vermanen euch aber/ das ir vns Gott wolt mit ernst
helffen anruffen/ vnd bitten/ das er sich vber sein ar-
me Kirche/ vnd die liebe Jugent gnediglich erbar-
men/ vnd vnser grosse Vndankbarkeit nicht so hart
straffen wölle/ das er vns diesen frommen vnnnd ges-
trewen Regenten neme.

Diese zeit bitten wir / wöllet euch nemen zu
dem Gebet/ vnnnd die schwachheit vnsern lieben Der-
ren vnnnd Praeceptoris/ vnsern lieben **DERREN**
Gott für tragen/ vnd der gantzen Kirchen/ vnd wor-
not Gott lieber befehlen/ denn das ihr auff dis mal
mit etwas anders vmbgehen solt.

Nach diesem anschlahen/ wurden die Studiosi

D **H** hoch

hoch bekümmert/ Vnd wiewol man zumor inn ge-
meinen gebeten/ vnd sonst grossen fleis spüret/ so las-
he man doch auff dis mal grössern ernst/ Da gieng
gen die Studenten/ da die bürger/ seuffzeten/ bieng-
gen die köpff/ vñ war solche trawigkeit/ das mans
inn allen Gassen/ in Heusern/ vnd wo nur leut wa-
ren/ sehen kunde/ das gros betrubnis vñnd leid vor-
handen war/ vnd wartet yederman/ was es für ein
ende gewinnen wolt.

Der Herr aber lag eine stunde oder zwo/ hatte
die augen halb offen/ zog die Schenckel bisweylen
zu sich/ strecket sie wider von sich/ hub die deck auff/
lies sie wider fallen/ das mann tödtliche angst ver-
mercken kundte/ Redte aber nichts/ man fraget ihn
denn/ Betet aber bey sich selbs/ wie man sein sehen
kundte/ Er vernam vnd verstundt alles/ bis an sein
Ende / antwortet auch alle mal/ wenn er gefragt
wardt.

Da er nun also lag/ vnd von seinem Liden ge-
fragt wardt/ Ob er auch etwas begerte/ sprach Er:
Nichts denn den Himel/ daruñ last mich hinfürt
mit solchen Fragen zu frieden. Ungeferlich vmb
drey nach Mittage/ da er vom Hauptküssen abge-
suncken war/ vñnd vnansst lag/ wolten wir in auf-
richten/ vñnd wider zu recht legen/ Da felt er wider-
rumb inn ein onmacht/ Als wir in aber widerumb
(wie man inn solchen fellen zu thun pfleget) erquiz-
teten/ Spricht er/ Ach was machet ihr/ Warumb
hindert ihr mich inn meiner sanfften ruhe/ lass mir
doch mein ruhe bis an mein ende/ Es wirdt nicht
lange mehr weren/ Da wolten wir in hernach mal
auch nie mehr regen/ vñ nach dem wir jahē / das es
mit

mit ihm aus war/batten ettliche nur Gott/ Das ers
kurtz mit ihm machen/vnnd ein Seligen abschiedt
bald verleihen wolte. Da fieng nun auch vnnsere
Pfarrherr an zu beten/dem Krancken zu trost/ Vnd
sprach viel schöner Gebet/vnd fielen alle/die in der
Stuben waren/mit ihm auff ire Knie/vnd beten ihm
nach/ Auch wurden viel Spruch hin vnnd wider
aus dem alten vnnd newen Testament / wie zuuor
auch geschehen war/widerholet / Die er bey sei-
nem leben gern gebraucht/vnd sich vnd andere offft
damit getröstet hatte/Als den Spruch Johan. 14.
Wer hertz erschreckenicht/zc. Vnd fürder aus dem
15. 16. 17. vnnd auch 10. Wer mich liebet / der wirdt
meine Gebot halten/zc. Item/ Meine schaffe hören
meine stamme / zc. vnd so fort an/ Item/ zum Rö-
mern das fünffte Capitel/ vñ aus dem achten/ So
Gott mit vns ist/wer wil wider vns sein?

Da diß geschehen war / giengen ettliche zu
Tisch/dieweil sie den gantzen tag nichts gessen betz-
ten/Da sie nach der Malzeit vast alle wider da was-
ren/hatte es bereit Sechse geschlagen / Er lage aber
gantz stille/ Da spricht Magister Fröschel den Seg-
gen vber in/ Der DERR Segne dich/vnnd behüt-
te dich/der DERR erleuchte sein Angesichte vber
dir/vnd sey dir gnedig/der DERR erhebe sein ane-
gesicht auff dich/vnd gebe dir frieden.

Veit Winsheim aber / der Ertzeney Doctor/
vnnd Professor der Griechischen Sprachen zu Witz-
temberg/ schrie ihm zu aus dem Psalm/ Inn deine
hende befehle ich DERR meinen Geist/ Du hast
mich erlöset/ du getrewer vnnd warhafftiger Gott/
vnd als er in fraget/ob ers auch höret/saget er/ Ja/

D iij

das

Das es yederman wol hören kundte/ Da doch vnser
vber zweintzig vmbher stunden. Bald Betet Ma-
gister Fröschel den Glauben vnd das Vatter vnser/
Darnach widerholet er die Wort aus dem Psalm/
DIXI Ihesu Christe/ In deine hende befehl ich
meinen Geist/ &c. Zum dritten mal/ da wir vnter des-
sen fleissig auff in sehen/ regt er die Lippen als bettet
er/ Wie er den tag vber offit gethan hatte/ vnd gehet
also vber dem Gebet dahin / Gleich da Magister
Fröschel die wort des Psalms / Wie gemelt/ zum dri-
ten mal sprach/ da kundten wir nicht mercken/ das
es im einen stos gethan hette/ Oder das es im ettwas
den mund gekrumbt hette/ oder dergleichen etwas/
Sondern fuhr also fein still vnd gelinde vber seinem
Gebet dahin/ zu seinem lieben DIXI Ihesu
Christo/ den er stets mit hertzen vnd mund gelobet/
vnd gepreiset hat / Bey dem hat er nun auch one
zweifel/ Ewige freude vnd herrligkeit/ sampt allen
aufferwelten/ Zu der helff vns Ihesus Christus der
Son Gottes/ allen mit einander auch gnediglich/
Vnd verleyhe vnns ein Seliges stündlein/ vnd ein
frölichen abschiedt zu seiner zeit/ wenn es im gefellig
ist/ Amen.

Nu haben wir angezeigt/ wie Philippus Mes-
lanthon vnser lieber Vatter vnd Præceptor / sein Le-
ben hie auff Erden beschlossen hat/ Das allein vn-
ser fürnemen auff dis mal gewesen/ So ist der Be-
richt von seinem leben/ was er darinn gethan vnd
aus gerichtet hat/ auch aus gangen/ Vnd werden
andere/ wie wir hoffen/ weitleufftiger vnd mer das
von schreiben. Dat gelebt 63. Jar/ vnd 63. tage/
Ist gestorben auff den abendt/ vor sibem Schlegel/
in der

inn der stunde/darinnen er auch geboren ist / Da
man in der Stat erfahren/das er Todt were / kamen
die Studenten in grosser anzal fürs haus/ vnd wa-
ren seer betrübet / Vnnd gaben also ihr geneigt ge-
müth/das sie zu irem lieben Praeceptore gehabt hat-
ten/zu erkennen / Sterben aber hat ihn keiner one
sehen sehen können/Auch die nicht/die doch sonst
bey sterbenden mutig vnnd behertzt sein/vnd ande-
re trösten können/ So gar name ihnen die liebe ge-
gen irem Praeceptore den muht/ Den selben abend
schreib die Vniuersitet als baldt an vnsern gnedig-
sten Herren/den Churfürsten/vnnd berichten seine
Churfürstliche Gnade/ vom dem trawrigen Fall/
das vns vnser lieber Vatter vnd Praeceptor mit tod
abgangen were/vnnd findt seiner C. G. die brieffe
vberantwortet worden / am dritten tage hernach/
vor mittag.

Sein Leichnam aber/ist den selben Abent an-
gezogen/vnd in seiner studir stuben verwachet wor-
den/ Auff den Morgen/welcher war der 20. Tage
Aprilis/hat in Herr Lucas abgerissen/ Da aber als
le augenblick die Studenten zu lieffen/vnnd baten/
das man sie ihn wolte sehen lassen/ als den sie bey
leben auch hoch / lieb / vnnd wert gehalten hatten/
Dieweil man denn das vieler ursache halben/ nicht
wol abschlagen kundte / Also wurd menniglich
erlaubt/den selbigen gantzen tag/vnnd den folgen-
den tage darzu/ bis auff mittage/inen zu sehen wer
da wolt/Vnnd wir halten nicht/das viel Studen-
ten oder Bürger inn Wittenberg sein werden/ die
in in den anderthalben tagen nicht gesehen haben/
so

so werden auch der nicht viel sein / die in one zehern
haben sehen können. Es sind auch viel frembder
leute da gewest / die ihn zuvor bey leben nie gesehen
hatten / die sahen ihn todt / Vnd damit man ja ses
hen mag / wie die leute gegē im gesinnet gewesen / so
war selten einer / der in nicht angegriffen hette / dar
nach es eins yeden bewegung gab / Mancher grieff
im ans kinn / mancher auff's heupt / auff die Brust /
Viel namen in bey der hand / vnd druckten ihm die
hand / ettliche aber küsten in / vnd weineten / das sie
in mit trehnen netzten / vnd ist in summa nicht alles
zu sagen / wie sich die guten leute gegen dem Todten
leichnam geberenten.

Die Bürger trugen ihre Kinder an den armen
vber ihn / vnd sagten / sie solten ihn fleissig ansehen /
Das sie eins mals sagen kündten / Was es für ein
Man gewesen were / Vnd ob sich gleich mancher
sonst des weinens hette enthalten können / So war
es im doch nicht möglich / das ihm nicht die augen
vbergangen weren / wenn er nur sahe / was für ges
berdt jung vnd alt gegen im treibe.

Den tag ist auch beschlossen worden / Das
man den Mann / welchen Gott zu den höchsten
sachen inn diesem leben fruchtbarlich gebraucht
hatte / auff's aller Ehrlichste zur Erden bestatten /
vnd seinen leib inn einen zinern Sarch legen solte /
welches also geschehen / vnd ist dieser zinern Sarch
inn einen Dultzern Sarch ein gesetzt / vnd verspün
det / darnach inn die Schloßkirchen zu Wittemberg
gegen dem Begrebnis / des Ehrwürdigen Herrn
Doctoris Martini Lutheri seligen / vber / Begraben
worden /

worden/ sampt einer Schrifft/ die mit etlichen andern mit in Sarch geschlossen worden ist/ deren inhalt wir yetzt erzelen wollen/ vnd lautet also:

In diesem Sarch / ist Philippus Melanthon begraben worden/ Welcher ein Professor der Heiligen Schrifft vnd guter Künste/ inn der Vniuersitet zu Wittenberg gewesen ist/ 42. Jar lang/ ein vbertrefflicher gelehrter Mann/ holdselig/ gescheid/ auffrichtig/ Gottfürchtig/ vnnnd heilig/ geduldig vnnnd wohlthetig gegen den armen / Des Ehrwürdigen Herren Doctoris Marini Lutheri Seligen fleissiger vnnnd getrewster gehülff/ in erklerung vnd auffrichtung reiner Leer Göttliches Worts / Welches durch der Römischen Päbst betrug/ vnd der Mönchen gauckelwerck/ vnnnd manigfeltige Missbreuch verdunckelt war / Welcher die Augspurgischen Confession gestellet hat / Die Keiser Carol dem fünfften/ im 1530. Jar vberantwortet worden ist/ nach dem sich die Reinigung vnd Erklerung rechter Leer im 1517. Jar angefangen hatte/ Vnnnd die enderung inn diesen Kirchen für gefallen war/ vnd hat die Warheit Dimlicher Leer 30. gantze jare beständiglich verfochten/ Auff offentlichen Reichstagen/ vnnnd sonst auch für sich selbs / Wie solches seine Schrifften / Die offentlich im Druck ausgegangen sein/ zengen. Ist geboren worden/ zu Bretta inn der Pfaltz am Rhein / vonn Ehrlichen Eltern / Sein Vatter hat Jörg Schwartzert geheissen/ Ist der beiden Pfaltzgraffen vnd Churfürsten am Rhein/ Philippi vnnnd Ruperti Rüstmeister gewesen/ Welchen auch der Keiser Maximilianus vnd die fürnembsten Fürsten im Reich / vmb seiner

J

tugendt

tingendst/ fürsichtigkeit vnd Kunst willen/ lieb ge-
habt haben. Sein Mutter hat Barbara Keutter-
rin geheißen / Anno 1497. den 16. tag Februarij/
vmb sibene/ auff den Abend nach der Sonnen vn-
tergang/ ist er Jung worden/ Ist von Thübingen
ghen Wittemberg gefordert worden / Von dem
Durchleuchtigen vnd hochgeborenen Hertzog Fris-
derichen Churfürsten zu Sachsen/ dem dritten/ das
er die Griechischen Sprache da leren solte/ Mit rath
D. Johann Keuchlins seines gefreunden / Denn
dieser Churfürst hatte die Vniuersitet Wittemberg
auffgericht/ Ist ghen Wittemberg kommen/ Anno
1518. den 25. Augusti/ vmb eins nach Mittage/
Als aber Lutherus die Disputation mit den Papis-
sten albereit angefangen/ vnd seine geschickligkeit/
verstand vnd richtigkeit vermerckt/ hat er ihn zu sich
gezogen. Anno 1520. den 25. Nouembris/ hat Er
Katharinam Krappin eines ehlichen Geschlechtes
in dieser Stat zum Weibe genommen/ vnd mit der
zwen Söne vnd zwo Töchter gezeuget/ Der ein son
Georgius/ ist bald im andern Jar seines Alters ges-
storben/ Philippus der ander / hat den Vatter vber-
lebt/ die eine Tochter Anna/ hat Georgium Sabi-
num beider Rechte Doctor zum Manne gehabt /
Magdalena die ander / hat Caspar Peucern / der
Ertzeney Doctor zum Manne gehabt.

Sein liebe Hausfrawe Katharina / Ist ges-
storben/ Anno 1557. den 11. Tag Octobris / da ihr
lieber Hanswirdt zu Wurmbs war / Vom Reich
dahin gefordert/ zur Disputation vber der Religion
sachen. Da Philippus wider anheims zu der Vni-
uersitet

verhret kommen / hat er hernach im Witwe standt
gelebt bis ins dritte Jar / da ihn inn der Palmnacht
das Feber ankommen ist / welches ihn endlich nach
dem er schwach / von Alter / sorg / vnd grosser arbeit
gewest / hin gerichtet hat / das er den 19. tag Apri-
lis ein viertel stunde vor Siben Schlegen / auff den
abent gantz Christlich vnnnd seliglich in rechter an-
ruffung Got des Vatters / des Sons / vnd des Hei-
ligen Geists verschieden ist / Bey Regierung des
Durchleuchtigen / hochgebomen Fürsten vnd Herz-
ren Dertzog Augusti / Churfürsten zu Sachsen / des
heiligen Römischen Reichsertzmarshalt / Land-
graffen inn Düringen / Marggraffen zu Meissen /
vnd Burggraffen zu Magdeburg / nach dem er alt
gewesen / 63. Jar vnd 63. tag / Des Seel neben allen
anfferwelten in Himlicher Kirchen bey dem Schon
Gottes ist / wie geschriben stehet / Selig sind die To-
den / die in dem DERNentschaffen.

Sein Leichnam / hat die Vniuersitet inn dis
Grab geleet / vnd daran iren lieben frommen vnd
getrewen Vatter / Patron vnd Praeceptor / ihre letzte
danckbarkeit vnnnd dienst bewisen / im 1560. Jare /
den 21. tage Aprilis / Da inn dieser Vniuersitet Ge-
orgius Craconius / beider Recht Doctor vnnnd Pro-
fessor Rector gewesen ist / Vnnnd sindt dis mal Pro-
fessores / inn dieser Vniuersitet gewest / wie volget /
Der Heiligen Schrifft D. Paulus Eberus Pfarr-
herr / D. Georgius Maior / D. Paulus Crellius /
Der Rechten / D. Laurentius Lindeman Ordina-
rius / D. Joachimus vom Beust / vnnnd D. Jo-
hannes Schneiderwein. Der Ertzeney D. Melchis
J ii or Jens

or Fendius / D. Caspar Peucer / D. Johannes Der
man. Der Philosophia vnd freien Künsten / Doctor
Vitus Ditzel vom Winsheim / M. Sebastianus
Theodoricus / Matthens Blöchinger / Petrus Vin-
centius / Esromus Rüdinger / Caspar Creutziger /
Johannes Bugenhagen / Heinrich Wöller / Euse-
bius Menius / alle Magistri, vnd der Vniuersitet die-
ner sind gewesen / Nicolaus Reisenberger / vnd Mis-
chael Mains / im Jahr / Monat vnd tag / wie oben
gemelt.

Mit dem Begrebnis ist es kurtzlich also zu-
gangen. Es sindt von den Professoribus Collegij
Philosophici bestellt worden / die in tragen solten / die
haben alle lange schwarzze Priester Kleider ann ge-
habt / Die Schüler sindt vor her gangen / Darnach
die Leich / nach der Leich die Freundschaft / Denn
die Professores / Ein Erbar Rahte / Die ferm bden
leute / vom Adel vnd andere / Darnach die Studen-
ten vnd Bürger / Vnd ist also erstlich inn die Pfar-
kirchen bracht / vnd vor den Altar nider gesetzt wor-
den / an dem ort / da er gewönlich / wenn man Prie-
ster ordiniret / pfegete nider zu knien / Da hat man
ein Psalm vnd ander Gesenge / wie in vnser Kirchen
zur Vesper gebreuchlich / gesungen. Darnach ist
Doctor Paulus Eberus vnser Pfarherr / auff die
Cantzel gestigen / vnnnd hat die Leichpredigt ge-
than / Aus dem 4. Capitel an die Thessalonicher /
Welche auch im Druck ausgehen wird / da nun die
Predig vnd Vesper aus gewesen / Ist mann mit der
Leich vnnnd Process / fürder inn die Schloßkirchenn
gangen / Vnd als man die Leich neben dem Grabe
nider gesetzt / ist in der nehe ein Pult auff gericht ge-
wesen /

wesen / Da hat Vitus Dittel vonn Winsheim / Do-
ctor der Ertzney / vnnnd Professor der Griechischenn
Sprach / ein Oration gethan / Die auch im Druck
ausgangen ist / Vnnnd hat sich das Begribnis verz-
zogen / bis vmb Fünffe. Es war aber ein solche
menge volcks von Studenten / Bürgern vnd frem-
den leuten / Edeln vnnnd vnedeln / bey dem Begreb-
nis / das mans in Wittemberg grösser nicht gedenz-
cket. Es war auch den selben tage vmb 9. vhr / vor
Mittag / Joachimus Camerarius / mit dem Achte-
barn vnd wolgelehrten Herren / Doctor Morchen
kommen / Als er aber inn des Herrn Philippi Selis-
gen haus gefordert ward / wolte er nicht hingehen /
biss der Sarch zu geschlossen were / Da kame er erst
vnd war seer betruibt / wie mann sehen kundte. Es
war auch auff der Gassen / da mann die Leich her-
ab truge / ein grosses weinen / von weibern vnd men-
nern / alten vnnnd jungen. Als er nun zur Erden / wie
gesaget / bestat gewesen / hat mann Almosen aus ge-
theilet / von der Vniuersitet Kosten / yederman der da
rauff gewartet hat.

Also haben wir nun angezeiget / Wie vnser lies-
ber Herr vnnnd Vatter Philippus Melanthon / ge-
storben vnnnd begraben ist. Was er aber für ein Man
gewesen sey / können wir auff dis mal nicht anzei-
gen. Das ist aber menniglich bewust / Was Gott
auff diesen Mann gelegt hat / vnd was für fahr der
heiligen Christlichen Kirchen / vnd gantz Deutsch-
landt aus dieses Mannes abgang entstehen müge /
verstehen alle vernünfftige Denner / Vnd was sein
Widerpart fürhat / siehet man auch / denn ob sie im
wol bey leben feindt waren / So mussten sie ihn doch
I iij fürchten /

fürchten / yetzundt aber mag die fürcht auffhören /
der neid vnnnd has aber wirdt wol bleiben / das vns
aber von jnen nichts gutes zu gewarten sey / sind ley-
der all zu vil nun nicht mehr heimliche / Sonndern
öffentliche kundschafften am tag. So sehe nun ein
yeder zu / das er auff die künfftigen vbel gefasset seye /
das er wisse was er thue / vnnnd was im zu thun sein
wil / damit er in seinem gewissen rühig / vnd zu frie-
den sein könne / vnd erklerte Leer vnser vns nicht ver-
ruckt werde.

Von seinem lob aber (wiewol er keines andern
lob bedarff / denn das werck wirdt ihn selbs loben)
werden die Poeten vnd ander ehrliche leuthe sagen /
wie es denn bey vilen albereit im werck ist.

Diesen kurtzen vnnnd warhafftigen Bericht
aber / haben wir wollen thun / Wider die Lügen
vnd verleumbdung seiner vnnnd vnserer Feind. Vnd
setzen auff diß mal zu zeugen dieser Historien / Den
Ehwürdigen Herrn D. Paulum Eberum vnseren
Pfarherrn / sampt den andern Kirchen dienern. M.
Fröschel / M. Johannem Sturionem / den Herren
Petrum Ecelium. Aus den Professoribus / D. Ge-
orgium Maiorem / D. Paulum Crellinm / D. Jo-
achimmm von Beust / D. Johannem Schneide-
wein / D. Vitum Winshemium / D. Casparum
Peucerum seinen Eiden / D. Johannem Derman-
num / D. Johannem Maiorem vom Joch ms-
thal / M. Sebastianum Theodoricum / M. Caspa-
rum Crucigerum / M. Estromum Rüdingerum /
M. Eusebium Menium / vnd viel andere Ehrliche
vnd glaubwürdige Menner / vnd junge gesellen / die
es zunt

es zum theil mit gehört/ vnd gesehen haben/ vnd
ein yeder selbs an seinem ort der Wahrheit zeugnis ge
ben wird. Vnd bitten hiemit Gott von hertzen/ das
er ihm eine Ewige Christliche Kirchen vnter vnns
vnd in disen landen/ vnd gantzen Menschlichen ge
schlecht/ durch seinen lieben Son vnsern HERRN
vnd Heiland Ihesum Christum sammeln/ vnd erhal
ten wolle/ vnd wolte vns gnediglich behüten/ für
Kotten vnd Secten/ Mut vnd sterck geben/ denen
getrost/ vñ auch fruchtbarlich widerstand zu thun/
Vnd dieweil Menschliche Krefften vnd Weisheit/
inn dem zu schwach ist/ So bitten wir den Ewigen
Sohn Gottes/ das er durch sein Wort reichlich inn
vnseren/ vnd aller glaubigen hertzen/ seinen Heiligen
Geist ausgiessen wolle/ der vns verstandt vñ Weis
heit gebe/ vnd in allen dingen Regiere vnd füre/

Damit sein Heiliger/ Göttlicher Name/ vn
ter vns/ vnd in der gantzen Christlichen
Kirchen/ gelobt vnd gepreiset
werde / hie zeitlich/ vnd
dort immer vnd E
wiglich/

A M L N.

Bedruckt zu Nürnberg
berg / Durch Valencin
Newber.

Faint, illegible text, likely bleed-through from the reverse side of the page. The text is arranged in several lines and appears to be a list or a series of entries, possibly names or titles. The ink is very light and difficult to discern against the aged paper.







Ti 4851 $\frac{d}{1}$

ULB Halle


3

004 216 555



geb. 4.53 etc.





1600

Kurzer Bericht/Wie
der Ehrwürdig / vnser lieber Vater
vnd Preceptor / PHILIPPVS MELANTHON
sein Leben hie auff Erden geendet / vnd ganz
Christlich beschlossen hat / Mit Kurtzer erzehlung /
Was sich etliche tage zuuor / mit ihm inn
seiner Schwachheit zu ges
tragen hat.

Geschrieben von den Professoribus der Vniuersitez
Witteberg / Die alles / was hie berichte wird / selbs ges
sehen vnd angehört haben.



Nürnberg.

M. D. L. X.

32

